

四庫全書

經部

欽定四庫全書

經部

春秋胡傳附錄纂疏卷十二

詳校官監察御史<sub>臣</sub>查善長

給事中<sub>臣</sub>溫常綬覆勘

總校官進士<sub>臣</sub>繆琪

校對官學正<sub>臣</sub>李巖

謄錄監生<sub>臣</sub>蔣繼熊

欽定四庫全書

春秋胡傳附錄纂疏卷十二

元 汪克寬 撰

僖公

魯襄王

十有二年

齊桓公十七年惠三衛文十二蔡穆

十四年

十五年杞成

七宋襄三

春王二月庚午日有食之○夏

楚人滅黃

左傳黃人恃諸侯之睦于齊也不共楚職

春秋滅人之國其罪則一而見滅之君其例有三以

歸者既無死難

乃旦反

之節又無克復之志貪生畏死

甘就執辱其罪為重許斯頓牂

作郎反

之類是也出奔

者雖不死於社稷有興復之望焉託於諸侯猶得寓

禮

郊特牲諸侯不臣寓公

其罪為輕弦子溫子之類是也若夫

國滅死於其位是得正而斃

毗祭反

焉者矣於禮為合

於時為不幸若江黃二國是也

張氏曰書滅見楚人之強中國不救而其

君死於其位

其書滅者見

音現

荆蠻之強罪諸夏之弱責方

伯連帥

去聲

之不修其職使小國賢君困於強暴不得

其所公羊子所謂亡國之善詞上下之同力者也

何氏

曰言滅者臣子與君戮力一心共死之辭愚按江黃二國之滅皆不書以其君歸亦不書其君奔者蓋君臣同力致死以守而待中國之救也故滅不書伐而黃則書伐江則書圍齊不救黃其罪可知晉雖救江而所以救之者非其道與不救無以異也

秋七月○冬十有二月丁丑陳侯杵臼卒

杵公作處宣公也在位四

十五年世子欽

嗣是為穆公

甲襄王 十有三年

齊桓三十九晉惠四衛文十三蔡穆二十八年鄭文二十六曹共六陳穆公

欽元年杞成八宋襄四  
秦穆十三楚成二十五

春秋侵衛

左傳十二年春諸侯城衛楚丘之郭懼狄

難也

齊桓公為陽穀之會是肆于寵樂

音洛

其行

去聲

荒矣楚

人伐黃而救兵不起是忽于簡書其業怠矣然後狄

人窺伺

斯義反

中國今年侵衛明年侵鄭近在王都之

側淮夷亦來病杞而不忘也伯益戒于舜曰無怠無

荒四夷來王

見大禹謨蔡氏傳朝夕戒懼無怠於心無荒於事則治道益隆四夷之遠莫不

往歸此至誠無怠帝王之道春秋之法也齊桓晉文若

此類者其事則直書于策其義則游聖門者默識於

言意之表矣故曰仲尼之徒無道桓文之事者

張氏曰楚

既滅黃而莫之恤狄侵衛之師所以肆行也臨川吳氏曰方狄之強桓公未嘗庸之管仲猶存伯業方盛狄人猶敢肆行伐邢入衛而滅溫況今管仲已亡霸業浸衰則狄之無所顧憚固其宜也

夏四月葬陳宣公公會齊侯宋公陳侯衛侯鄭伯許

男曹伯于鹹

左傳會于鹹淮夷病杞故且謀王室也秋為我難故諸侯戍周齊仲孫湫致之殺梁

傳兵車之會也杜氏曰鹹衛地東郡濮陽縣東南有鹹城愚按濮陽縣屬今大名路開州十一年楊拒泉臯伊維之戎同伐京師入王城焚東門王子帶召之也十二年王以戎難討王子帶子帶奔齊此謀王室為我難也

○秋九月大雩○冬公子友如齊

張氏曰陽穀甯母及鹹之會其後公子友

皆如齊蓋伐楚服鄭城緣陵之事  
魯皆同之亦以見友之專魯政也

乙襄王  
亥六年

十有四年

齊桓四十晉惠五衛文十四蔡穆二  
十九卒鄭文二十七曹共七陳穆二

杞成九宋襄五秦穆  
十四楚成二十六

春諸侯城緣陵

左傳諸侯城緣陵  
而遷杞焉不書其

人有闕也公羊傳孰城城杞也曷為城杞蓋徐莒脅之  
然則孰城之桓公城之曷為不言桓公城之不與諸侯  
專封也穀梁傳其曰諸侯散辭也聚而曰散何也諸侯  
城有散辭也桓德衰矣杜氏曰緣陵杞邑張氏曰漢書  
地理志北海營陵臣瓚曰春秋謂之緣陵今  
濰州昌樂縣愚按今屬益都路濰州昌邑縣

齊桓公城三國而書詞不同城楚丘則沒諸侯而不  
書城緣陵則書諸侯而不序城邢則再序三國之師



何也邢以自遷為文故再列三師而書城邢者美其得救患分災之義無封國之嫌也淮夷病杞諸侯會

于鹹城緣陵而遷杞焉

杜氏曰杞辟淮夷遷都於緣陵不言城杞杞未遷也則

其事專矣故前目後凡直書諸侯而不序也

范氏曰直曰諸

侯無大小之序孫氏曰諸侯不序者會鹹諸侯也陳氏曰但曰諸侯者不繫之伯者之辭也但曰大夫者不繫之君之辭也臨川吳氏曰元年齊以救邢之諸侯城邢同在一年諸侯猶且再叙今以會鹹之諸侯城緣陵各在一年而不重叙者齊桓伯業之衰矣衛為狄滅東徙渡河野處

漕邑桓公使公子無虧戍以甲士歸其祭服乘

繩證反

馬凡為國之用其力尤勤其功尤大其事尤專而春秋責之尤重曰城楚丘而不書諸侯正王法也是故以功言之則楚丘為大以義言之則城邢為美春秋之法明其道不計其功正其義不謀其利者也詳著城邢之師而深沒楚丘之迹貴王賤霸羞稱桓文以正待人之體也明此則知曾西不為管仲深畏仲由之說矣

劉氏曰諸侯不專封專封而善僅可以贖過故平其文不使伯者獨享其功為人之逮於

義而乃以專封為德也專封而不善是冒王法而又勤諸侯故異其文以見伯者之罪於專封而又有不

善焉皆貴王賤霸羞稱桓文之意比緣陵於城楚丘之功則楚丘善而緣陵不善矣比楚丘於王者之義則桓公救過之不給奚暇稱賢哉春秋貴義不貴惠貴正不貴功略小善而優大節以正待人而已矣張氏曰城緣陵之事蓋與楚丘同而當是時齊桓拯救諸夏之志怠矣故經書詳不如城邢略不如楚丘亦輕重之權衡也蜀杜氏曰書城邢以國言之者善其救患全人之國也楚丘緣陵以一邑言之者謂其專封而不與之也永嘉呂氏曰城緣陵不如城邢楚丘不如緣陵故以楚丘緣陵之例觀之當書曰城夷儀而乃曰城邢楚丘者衛之楚丘緣陵者杞之緣陵也以城邢之例觀之當書曰城衛城杞而乃曰城楚丘城緣陵蓋邢遷于夷儀固邢之夷儀也諸侯城邢得救災恤鄰之道也故詳書而不殺予之也衛已滅而諸侯城楚丘以封衛故不曰城衛而曰城楚丘杞未遷而諸侯城緣陵以存杞故不曰城杞而曰城緣陵

以諸侯而封諸侯非王法也楚丘之城沒諸侯而不書諱之也若緣陵之城則以淮夷病杞之故而為之城以遷之獨未至如衛之已滅而後封之也故但曰諸侯而不序則其功亦有不足錄者矣愚按存杞之功器用不具城池未固不若城邢之美故不再序諸侯然杞未滅特不待其自遷而城緣陵以遷之未如封衛之專故諸侯以凡舉而不削蓋城緣陵之義不若城邢而功亦劣於楚丘也。陸氏曰公羊云曷為城杞滅也孰滅之蓋徐莒脅之按明年楚伐徐諸侯救徐其謬可知家氏曰杞未聞受兵而公羊以為既滅蓋前此城衛城邢皆在於既亡既潰之後故亦以為已亡左氏所謂病杞者得其實矣

夏六月季姬及鄆子遇于防使鄆子來朝

鄆似綾反穀作繒後同公

羊傳鄆子曷為使乎季姬來朝內辭也非使來朝使來請已也穀梁傳遇者同謀也來朝者來請已也朝不言

使言使非正也以病鄆子也張氏曰鄆國禹後姒姓漢屬東海郡晉屬琅琊今沂州承縣東北有鄆故城又有

鄆山愚按沂州

今屬汴梁路

春秋內女適人者明有所從則繫去聲諸國若杞伯姬

是也

紀伯姬紀叔姬杞叔姬鄆伯姬字伯姬蕩伯姬皆已適人者也

其未適人者欲

有所別

筆列反下同

則書其字若子叔姬是也

文十二年子叔姬卒

及僖九年伯姬卒皆未適人而書字者也

季姬書字而未繫諸國其女而

非婦亦明矣及者內為志內女而外與諸侯遇譏魯

也朝不言使言使非正

何氏曰使者臣為君銜命文也

鄆子國君而

季姬使之朝病鄆也魯秉周禮男女之際豈其若是之甚乎蓋魯公鍾愛其女使自擇配故得與鄆子遇於防而遂以季姬歸之爾有孟光之德有伯鸞之賢

後漢梁鴻傳孟光擇對不嫁年三十父母問其故曰欲得賢如梁伯鸞者鴻聞而聘之及嫁以裝飾入門鴻不答光請曰竊聞夫子高義簡斥數婦妾亦偃蹇數夫矣今而見擇敢不請罪鴻曰吾欲褻褐之人可與俱隱深山爾光更為椎髻著布衣共入山中以耕織為業肅宗聞之求鴻不得變而不失禮

之正則猶可矣不然非所以為愛而厚其別也故稱及稱遇稱使罪魯與鄆以正男女之禮為後世戒也

孫氏曰季姬上無歸鄆之文則是未嫁者此年適防  
明年九月歸鄆是季姬先與鄆子遇而後嫁也此季  
姬之行不正可知矣何氏曰禮男不親求女不親許  
魯不防正其女乃使要遮鄆子淫佚使來請已與禽  
獸無異故卑鄆子使乎季姬以賤之張氏曰僖公愛  
女而使自擇配鄆子聽其使而朝魯請之夫婦之始  
而不正如此書之所以譏僖公之不父鄆子之老夫  
季姬之不予且不婦也臨川吳氏曰未嫁之女而與  
鄆子私相邂逅是淫奔也姬既私遇之後使鄆子朝  
魯而請婚姬不足責也僖公不能正家如此何以居  
人上乎王氏曰鄭徐吾犯之妹美使之自擇所配至  
於兄弟相殘以亂鄭國之政魯秉周禮而季姬與鄆  
子道淫如此僖公正始之道亦可愧矣愚按春秋書  
及及者為主以季姬為主則其與鄆子遇而使來請  
已可知矣。啖氏曰左氏謂季姬鄆子之夫人公怒  
鄆子不朝季姬使之朝按稱季姬明魯未嫁女也若

是鄫夫人不當與鄫子遇又明年歸于鄫明此時鄫子請娶之若言魯之處女不當與諸侯會則文姜哀姜淫佚至甚劉氏曰若實來寧何故再書其歸乎杞伯姬來何以不書歸乎永嘉呂氏曰范甯謂魯女無故遠會諸侯此亦事之不然然春秋之世閭閻不嚴男女之別亂如文姜比年出會里巷匹婦尚或恥之則季姬出遇恐有此事然女子許嫁笄而字書曰季姬則字也婦人書字許嫁之辭也豈其許嫁于鄫而未歸于鄫故遇之而使來請已乎何休謂季姬許嫁于邾而季姬及鄫子邾使來請已未知何據

秋八月辛卯沙鹿崩

公羊傳何以書記異也穀梁傳林屬於山為鹿沙山名也無崩道而

崩故志之也其日重其變也杜氏曰沙鹿山名平陽元城縣東有沙鹿土山在晉地愚按在今平陽路霍州趙縣城



沙鹿晉地也卜偃曰暮年必有大咎國幾亡詩稱百

川沸騰山冢萃崩

十月之交朱子傳山頂曰冢萃崔嵬也山崩川溢災異之大者言

西周之將亡也書沙鹿崩於前書獲晉侯於後雖不

指其事應

去聲

而事應具存此春秋畏物之反常為異

使人恐懼修省之意也其垂戒明矣

董子曰國家將有失道之敗而

天乃先出災異以譴告之不知自省又出怪異以警懼之尚不知變而傷敗乃至此見天心仁愛人君而欲止其亂也李氏瑾曰服虔曰沙山名鹿山足林屬山曰鹿漢書元后傳云后祖王翁孺自東平陵徙魏郡元城元城郭東有五鹿之墟即沙鹿也孫氏曰鹿山足也謂山連足而崩爾詩山冢萃崩猶以為異此

異之甚也。趙氏曰：公羊云：外異不書，此何以書？為天下記異也。凡山崩不繫國者，以其自有常處，不比隕星退鵲也。劉氏曰：名山大澤，不以封諸侯，守之山不可以繫國也。聖人庸能獨知沙鹿崩為天下異乎？又曰：沙鹿，河上之邑，亦非也。此自山名之，不須繫山者，以可知故也。如禹貢桐柏積石，皆不繫山。愚按：文定以梁山崩言為天下記異，則沙鹿之崩疑亦非止一國之異矣。

**狄侵鄭**

張氏曰：狄數犯畿內之諸侯，而齊桓不能治，自入衛伐邢滅溫，而至此霸圖弱，而王室卑，諸侯

受禍著桓公之怠也。

**○冬蔡侯貜卒**

肝許乙反。穆公也。父獻舞見獲于莘，莊十九年留卒於楚。

而立，在位二十九年。子甲午嗣，是為莊公。劉氏曰：穀梁云：諸侯時卒惡之也，非也。臣子慢則赴不具，日月春秋不改者，因文以見也。若必以惡此君則鄭厲衛惠何不惡之哉？

丙襄王十有五年

齊桓四十一晉惠六衛文十五蔡莊  
公甲午元年鄭文二十八曹共八陳

穆三杞成十宋襄六秦  
穆十五楚成二十七

春王正月公如齊

張氏曰公十  
年朝齊此又

朝齊純用五年一朝之制同於事天子之禮矣。愚按  
杜預謂諸侯五年再相朝禮也何休謂合古五年一朝

之義皆非是周制諸侯之邦交但  
曰世相朝安得以五年為合禮乎

○楚人伐徐

左傳楚  
人伐徐

徐即諸夏故也臨川吳氏曰徐夷也首僭王楚亦夷也  
次僭王徐楚同惡者也因齊桓之合諸侯匡天下徐亦

革面而即諸夏以即諸夏  
而為楚所伐可悲也夫

三月公會齊侯宋公陳侯衛

侯鄭伯許男曹伯盟于牡丘

左傳盟于牡丘尋葵丘之  
盟且救徐也穀梁傳兵車

之會也鄭氏曰牡丘齊地與匡近齊語築五鹿中  
年蓋與牡丘以衛諸夏之地注四塞諸夏之關也遂次

于匡

穀梁傳遂繼事也次止也有畏也范氏曰畏楚杜氏曰匡衛地在陳留長垣縣西南愚按今屬汴梁

路雅州襄邑縣

公孫敖帥師及諸侯之大夫救徐

帥公作率後同左傳孟穆

伯帥師及諸侯之師救徐諸侯次于匡以待之穀梁傳善救徐也何氏曰大夫不序者起會上大夫君已目故臣凡也內獨出名氏者臣不得因君殊尊省文別尊卑也杜氏曰敖慶父之子

楚都于郢距徐亦遠

郢在江之南乃今之江陵徐在淮之北乃今之徐州楚之伐徐

必越宋陳蔡諸國之境

而舉兵伐徐暴橫

去聲

憑陵之罪著矣徐

在山東與齊密邇以封境言之不可以不速救

家氏曰齊

之救徐非專為存徐計亦自為也徐近於齊楚人伐之所以震齊之鄰其為謀深矣楚人得志於徐則必

乘勝造齊之南境

以形勢言之非有餽糧越險之難也今書

盟于牡丘見

音現下同

諸侯救患之不協矣

張氏曰葵丘之盟諸侯既

聽命矣此為楚人伐徐而合諸侯即驅之討楚救徐可也又從而盟之諸侯不一故也人心已一而復貳非伯主救災恤患之心怠而人始懈乎君子屢盟亂是用長此心之盛衰霸業之所從而盛衰也霸主諸侯之心皆疑不足

書次于匡見霸主號令之不嚴矣

何以保徐斷可知矣

書大夫

何氏曰言次者譏諸侯緩于仁恩既約救徐而生事次止不自往遣大夫往卒不能解也

帥師而諸侯不行見桓德益衰而從簡書安中國之志怠矣

桓公偁伯四十餘年未嘗命大夫為主將今諸侯不親將而大夫帥師則救徐之役特聊

且應之而不冀其成功也

凡兵而書救未有不善之也救而書次

則尤罪其當速而故緩失用師之義矣中庸曰至誠

無息不息則久春秋謹始卒欲有國者敦不息之誠

也始勤而終怠則不能久而無以固其國矣

啖氏曰凡救當

奔命而往救次失救道也孫氏曰言次言救者惡諸侯緩於救患也諸侯既約救徐而遣大夫往此緩于救患可知也陳氏曰救不言次言次無志於救也桓公合八國之衆以救徐而僅使大夫將則桓志荒矣卒不競於楚救而言次甚譏之也有諸侯在而使大夫將始於壯丘桓公為之也有諸侯在而使大夫盟始於難澤悼公為之也愚按霸者之事假借仁義之名以濟其利欲之私故欲之未遂則汲汲焉謀度而

經營之欲之既遂則懈情苟且而不復能有為矣由其心偽而不誠是以始終勤怠之殊而前後盛衰之異也孟子言以力假仁者霸又曰五霸假之也假之一字得春秋誅心之法矣四年公孫茲帥師及諸侯之師侵陳列序諸國則書會此不言會而言及既會而後及也非主魯之辭也與襄三年書叔孫豹及諸侯之大夫及袁僑盟之意同不獨言大夫若曰受命其君故書諸侯以統之蓋當時諸侯雖以其權畀之大夫而春秋之法必欲其權繫於諸侯也

夏五月日有食之

左傳不書朔與日官失之也

○秋七月齊師曹師

伐厲

左傳伐厲以救徐也杜氏曰厲楚與國義陽隨縣北有厲鄉張氏曰兵法攻所必救厲在徐楚之間

欲楚之必救以解徐也然繼此楚敗徐于婁林則厲在所不必救明年不克救徐而還況同盟不同心而宋已

我同役之曹矣高氏曰諸侯大夫救徐而齊侯獨帥曹同伐厲厲雖可討然非所以救徐也見強楚之難禦而中國之威已頽矣愚按厲在今峽州路隨州此伐厲以救徐與伐楚楚救江正同然春秋不書以救者厲近徐而楚遠江則齊桓之用兵猶愈於陽處父也

○八月螽

救梁傳螽

○九月公至

自會

公羊傳桓公之會不致此何以致久也范氏曰莊二十七年盟幽傳曰桓會不致安之也此致者齊

桓德衰故危而致之高氏曰以會致者始於春秋致會凡二十有七公自正月如齊因而會盟暴師于外已踰三時而以會致見救徐之無功也

○季姬歸于鄆

臨川吳氏曰鄆子請娶季姬僖公許之至

是始歸也○劉氏曰杜云來寧不書此書者明中絕非也傳云止之豈絕之哉魯人為國諱醜雕斲止之之說以求掩其迹仲尼作經推例以知義因文以盡情主人習其讀而不知學者原其事而知之此類是也

○



已卯晦震夷伯之廟

左傳震夷伯之廟罪之也於是展氏有隱慝焉公羊傳震之者何雷

電擊夷伯之廟也何以書記異也穀梁傳震雷也夷伯魯大夫也

震者雷電擊夷伯之廟也不曰夷伯之廟震而曰震

夷伯之廟者天應

去聲之也子本程

天人相感之際微矣

夷伯者魯大夫也大夫既卒不名

杜氏曰夷伯魯大夫展氏之祖父夷

諡伯字大夫既卒書字

穀梁以為因此見

音現天子至于士皆有

廟天子七廟諸侯五大夫三士二

祭法王立七廟曰考廟王考廟皇考

廟顯考廟祖考廟有二祧諸侯立五廟曰考廟王考廟皇考廟顯考廟顯考廟祖考廟大夫立三廟曰考廟王考

廟皇考廟適士二廟曰考廟王考廟官師一廟曰考廟王考無廟

故德厚者流光德

薄者流卑

范氏曰德厚者位尊道隆者爵重故天子遠及七世士祭祖而已

是以貴

始德之本也始封必為祖

范氏曰契為殷祖棄為周祖愚按大夫之祖如公子

展為展氏之祖公子彊為臧孫氏之祖之類張氏曰正蒙曰凡陰氣凝聚陽在內者不得出則奮擊而為雷霆不善之積蓋亦如此然天之怒擊每在於惡稔而人不如誅之後春秋書震者惟此事爾詩云敬天之怒無敢戲豫敬天之渝無敢馳驅昊天曰明及爾出王昊天曰旦及爾游衍君子知天之日監而畏其威如此所以事天也夾漈鄭氏曰公子展之子曰公孫夷伯范氏曰夷伯之廟過制高氏曰不曰公孫者大夫三廟宜毀而不毀故貶之也。趙氏曰公穀竝云晦冥也據十六年戊申朔隕石于宋五成十六年

甲午晦晉楚戰于鄢陵竝書晦朔則知晦者晦朔之晦耳古史之體應合書日而遇晦朔必書之以為歷數之證穀梁成十六年傳云事遇晦書晦何得於此獨名晦冥乎公羊又云夷伯季氏之字微者稱夷伯大之也天戒之故大之按褒貶當以義類宜有為天所罰翻乃書字反於理甚矣大夫既死加諡之後不更稱名爾原仲亦是也

### 冬宋人伐曹

左傳討舊怨也襄陵許氏曰同盟始自相攻桓不能已矣張氏曰莊十四年曹從齊

桓伐宋宋至今憾之今諸侯始貳曹方伐厲救徐而襄公乘虛伐之尚可繼桓而圖霸乎於此見桓德之衰而襄志之私也家氏曰宋襄於桓之方存已有圖霸之心其後執滕圍曹張本於此春秋所譏也

○楚人

### 敗徐于婁林

敗必邁反左傳楚敗徐于婁林徐恃救也杜氏曰婁林徐地下邳僮縣東南有婁亭

張氏曰今在泗州臨淮縣書以見楚之獨勝而救徐之威不立伐厲之謀無補也陳氏曰何以書病齊也齊帥天下之諸侯以遏寇亂存中國也楚伐徐桓公合八國之衆盟于牡丘次于匡以救徐為之伐厲而徐卒敗於楚人不數年宋楚爭盟執宋公以是為盟主病矣高氏曰齊桓大合諸侯以救徐固有餘力而師出三時無功而返故書楚人敗徐于婁林以罪之劉氏曰徐伯益之後其前世為元德顯功通於周室與中國冠帶之君無以異徐始稱王王非諸侯所當名也故貶其稱愚按徐自莊二十六年見經僖三年取舒十七年伐英氏昭五年伐吳皆稱人昭四年會申楚人執之三十年奔楚皆稱子獨此年與文七年伐莒竝舉號內不使與中國同外不使與荒裔等也○陸氏曰穀梁云夷狄相敗志也按有赴告則書無他義家氏曰為公羊學者以徐滅杞故外之然杞未嘗滅也○十有一月壬戌晉侯及秦伯戰于韓獲

晉侯

秦始見經左傳晉侯之入也秦穆姬屬賈君焉且曰盡納羣公子晉侯悉於賈君又不納羣公子是

以穆姬怨之晉侯許賂中大夫既而皆背之賂秦伯以河外列城五東盡虢畧南及華山內及解梁城既而不與晉飢秦輸之粟秦飢晉閉之糴故秦伯伐晉九月晉侯逆秦師使韓簡視師復曰師少於我關士倍我公曰何故對曰出因其資入用其寵飢食其粟三施而不報是以來也今又擊之我怠秦奮倍猶未也公曰一夫不可狃況國乎遂使請戰曰寡人不佞能合其衆而不能離也君若不還無所逃命秦伯使公孫枝對曰君之未入寡人懼之入而未定列猶吾憂也苟列定矣敢不承命韓簡退曰吾幸而得囚壬戌戰于韓原晉戎馬還淳而止秦獲晉侯以歸舍諸靈臺乃許晉平十月晉陰飴甥會秦伯盟于王城十一月晉侯歸公羊傳此偏戰也何以不言師敗績君獲不言師敗績也趙氏曰凡戰而死者書滅生禽曰獲張氏曰韓今同州韓城縣愚按同

州今屬

奉元路

卷十二

秦伯伐晉而經不書伐專罪晉也

據桓十二年戰于宋僖十八年戰于

獻皆書伐

獲晉侯以歸而經不書歸免秦伯也

據蔡侯獻舞書以歸

陳氏曰不曰以歸罪晉侯也是故獲外域不書外域交相獲不書必大國也若宋華元齊國書斯可以言獲矣特尊師衆獲之若匹夫然猶曰宋齊之恥晉甸侯也而言獲是夷晉侯於大夫也

書伐書

及者兩俱有罪而以及為主

書伐著伐者之罪書及著被伐而及戰者之罪

書獲書歸者兩俱有罪而以歸為甚

書獲者罪其不能效死禦敵甘

就執辱書以歸者罪其專執國君恃強不釋

今此專罪晉侯之背

音佩施去聲

幸災貪愛怒鄰

慶鄭曰背施無親幸災不仁貪愛不祥怒隣不義

而怒秦伯

也然則秦戰義乎春秋無義戰彼善於此則有之矣其不言師敗績何也君獲不言師敗績君重於師也

何氏曰舉君獲為重也劉氏曰君將不言師師君重於師也君傷不言師敗績君獲不言師敗績亦君重於師也三者異文同義大夫戰而見獲必書師敗績

如戰于大棘書宋師

敗績獲宋華元戰于艾陵書齊師敗績獲齊國書

師與大夫敵也君為重師

次之大夫敵春秋之法也與孟子之言何以異孟子

為于偽

時君牛羊用人莫之恤也故以民為貴君為

輕

潛庵輔氏曰戰國時為君者不知其職視民如草芥而不知恤也故曰民為貴

春秋正名

定分

扶問反

為萬世法故以君為重師次之

泰誓云元后作民父

母禮記民以君為心君以民為體父母之於子心之於四體尊卑輕重之分天冠地履之不可紊故春秋

以君為重

堯以天下命舜舜亦以命禹必稱元后為先

大禹

謨舜命禹曰衆非元后何戴

此經世大常而仲尼蓋祖述之也惟

此義不行然後叛逆之黨有託以為民輕棄君親而

不顧者矣

通音近世賊臣僭位有忍死為民之語其黨唱言偽楚能全都城百姓之命是恃春

秋之法恣為暴行而不顧也愚按隋宇文化及弒煬帝唐朱玫立襄王煚皆託以為民而濟其大逆者也



○劉氏曰穀梁云晉侯失民矣以其民未敗而君獲也非也凡為君而見獲苟不失民將焉取之顧春秋所以不書師敗績者舉君獲為重耳

丁襄王  
丑八年

十有六年

齊桓四十二晉惠七衛文十六蔡莊二鄭文二十九曹共九陳穆四杞成

十一宋襄七秦穆十六楚成二十八

春王正月戊申朔隕石于宋五

左傳

于宋五隕星也公羊傳曷為先言賈而後言石賈石記聞聞其碩然視之則石察之則五穀梁傳先隕而後石何也隕而後石也于宋四境之內曰宋後數散辭也耳治也杜氏曰隕落也聞其隕視之石數之五隨其聞見先後而記之星隕如雨見星之隕於四遠而不見其在地之驗此則見在地而不見始隕之星是月六

鷁退飛過宋都

鷁五歷切穀作鷁過五禾切左傳六鷁退飛過宋都風也周内史叔興聘于宋

宋襄公問焉曰是何祥也吉凶焉在對曰今茲魯多大  
喪明年齊有亂君將得諸侯而不終公羊傳曷為先言  
六而後言鷁六鷁退飛記見也視之則六察之則鷁徐  
而察之則退飛五石六鷁何以書記異也穀梁傳六鷁  
退飛過宋都先數聚辭也目治也程子曰隕石于宋自  
空凝結而隕六鷁退飛倒逆飛也倒逆飛必有氣驅之  
也春秋所書災異皆天人響應有致之之道故石隕于  
宋而言隕石夷伯之廟震而言震夷伯之廟此天應之  
也人以淺狹之見以為無應其實皆應之然漢儒言災  
異皆牽合不足信儒者見此因盡廢之杜氏曰是月隕  
石之月重言是月嫌同日  
鷁水鳥高飛遇迅風而退

**隕石自空凝結而隕也**

愚按邵子曰星在地則為石  
石在天則為星此言隕石蓋

星墜於天半空凝  
結至地而成石也

**退飛有氣逆驅而飛也石隕鷁飛**

而得其數與名在春秋時凡有國者察於物象之變

亦審矣此宋異也何以書于魯史亦見音現當時諸國

有非所當告而告者矣

杜氏曰宋人以為災告於諸侯故書劉氏曰人君遇怪異

非常之變當內自省而已非所以告同盟也同盟有救患分災之義故水火兵戎之為敗則告告則弔之此所待於外也奇物祲變之至則天之所以警人君雖有堯湯之智反而責其躬此無待於外者也何赴告之有春秋因而書之以見人君之莫能畏天命乃反以責於己者望於人也何以不削乎

聖人因災異以明天人感應

去聲下同

之理而著之於經

垂戒後世如石隕于宋而書曰隕石此天應之也和

氣致祥乖氣致異人事感於下則天變應於上苟知其故恐懼修省變可消矣宋襄公以亡國之餘欲圖伯業五石隕六鷁退飛不自省其德也後五年有孟之執又明年有泓之敗

何氏曰後五年見執六年終敗如五石六鷁之數天之與

人昭昭著明甚可畏也

天之示人顯矣聖人所書之義明矣可

不察哉

張氏曰星隕為石不祥也鷁退飛不順也宋襄欲圖伯而無其德故天出怪異以警畏之

通志問洪範配合庶徵有理否曰但不可泥如漢儒牽合附會爾春秋隕石于宋五六鷁退飛過宋都而襄公被執癸酉大雨震電庚辰大雨雪而隱公被弑雨木冰而成公季孫被執鷁鵠來巢而昭公出奔豈

不是應驗是以人君須克謹天戒。劉氏曰公羊謂是月者僅逮是月也不日者晦也春秋不言晦非也晦朔天之所以有取朔棄晦乖偽之深者穀梁云石為無知之物故日之鷗微有知之物故月之亦非也言是月者宋不告日嫌與五石為一日故分別之耳鄒陽萬氏曰梁山沙鹿亦無知之物胡為而不日麋與麋亦微有知胡為而不月也陸氏曰穀梁云是月者決不日而月也按此傳以日月為例故云爾又曰民所聚曰都都者直謂國城爾不獨以民聚為義

### 三月壬申公子季友卒

季者其字也友者其名也大夫卒而書名則曷為稱

字聞諸師

因靳裁之受伊川學

曰春秋時魯卿有生而賜氏者

季友仲遂是也

愚按劉質夫傳亦謂季友仲遂生而賜氏命之世為卿蓋其說同出於程

也子生而賜氏者何命之為世卿也季子忠賢在僖公

有翼戴之勤

朱子語季子賜族亦只是時君恩意

襄仲弑逆在宣公有

援立之力此二君者不勝音升私情欲以異賞報之也

故皆生而賜氏俾世其官

劉氏曰春秋譏世卿莫甚於魯魯之大夫皆世卿莫

強季氏仲氏季氏出昭公仲氏弑子赤皆世卿能成其禍者也春秋異而書之主人習其讀則未知己之有罪固曰賢之爾臨川吳氏曰季友仲遂二公報其立己之恩故以其將卒賜之以氏命其子孫世世為卿  
經於其卒各以氏書者誌變法亂紀之端貽權臣

竊命之禍其垂戒遠矣

愚按宋立華氏魯立叔孫氏當時賜族率以為常春秋諸

侯以殊禮異數寵遇其臣至有生而賜諡如衛靈之於北宮喜析朱鉏不特生而賜族矣永嘉呂氏曰春秋之初公之子為大夫則稱公子公子之子為大夫則稱公孫非公孫則稱公孫而為大夫則但書名自僖公以後則皆書族且使之世世為卿矣是故魯有仲孫叔孫季孫臧孫齊有高氏國氏崔氏陳氏衛有孫氏甯氏晉有卻氏欒氏韓氏趙氏魏氏鄭有罕氏駟氏游氏皆世卿也先王之禮制蕩然矣。劉氏曰公穀皆云稱季友賢也非也言季友之賢不過書季子來歸足矣死何乃復賢之乎且書季友云賢則書仲遂亦可謂賢乎

夏四月丙申鄆季姬卒

內女嫁於諸侯則尊同尊同則記其卒

本殺

記其卒

則必記其葬然而有不記者此筆削之旨非可以例

求者也

愚按內女為諸侯夫人者七惟紀伯姬宋共姬書卒葬杞叔姬以出不書葬鄭伯姬齊子

叔姬亦出并不書卒杞伯姬歸杞四十餘年不書卒葬疑必有故鄭季姬違禮故卒而不葬紀叔姬非夫人以賢而卒葬之宋伯姬在家為淑女既嫁為賢婦死於義

而不回此行

去聲

之超絕卓異者既書其葬又載其諡

僖公鍾愛季姬使自擇配季姬不能自克以禮恃愛而行雖書其卒因奪其葬所以謹夫婦之道正人倫



之統明王教之始也以此防民猶有嫁殤立廟舉朝

素衣親臨

力尋反

祖載如魏明帝之厚其女者

魏志明帝紀太

和六年幼女淑卒上痛之甚追諡立廟葬于南陵取甄后從孫黃合葬欲自送葬陳羣諫曰下殤禮所不備況未葬月而為制服舉朝素衣朝夕哭臨古未有此况欲親臨祖載乎上不聽

秋七月甲子公孫茲卒

杜氏曰茲叔牙子叔孫戴伯

○冬十有二月

公會齊侯宋公陳侯衛侯鄭伯許男邢侯曹伯于淮

左傳

會于淮謀鄆且東略也城鄆役人病有夜登丘而呼曰齊有亂不果城而還殺梁傅兵車之會也杜氏曰鄆為淮夷所病淮臨淮郡左右張氏曰後漢下邳國今泗州師氏曰淮夷嘗病杞而齊侯城緣陵以復杞今會諸侯

于淮豈非謀淮夷以杜其後來耶高氏曰邢侯始與會而在鄭許之下者此齊次之也鄆陽萬氏曰許以男而先於邢曹邢以侯而後於鄭許聖人之作春秋從主會者之所為而無所改正所以著其罪也愚按淮今泗州臨淮縣桓公安攘之志至會淮而愈怠矣却淮夷而不力城鄆而不果況魯之僖公在會遽以其臣滅項而止之既不能為鄰國討强家又遷怒於其君待聲姜會卞而獲釋悖君臣之分索男女之別霸事之真莫此為甚蓋會淮之前楚伐黃滅黃而不能恤狄侵衛侵鄭而不能遏簡於存杞不若存邢之功緩於救徐不若救許之速宜淮夷之微亦肆其暴抑有所窺而動也桓會不至而惟牡丘于淮書至聖人之意實可見矣或謂桓公以諸侯伐淮夷魯預有功故魯頌稱既克淮夷在泮獻馘而春秋不紀其事蓋削之也夫詩人之言特以此頌禱其君而願其有是功如曰居常與許復周公之宇云耳使果有伐淮夷之功安得不以伐山戎伐北戎之例而

特書于  
經耶

戊襄王  
寅九年

十有七年

齊桓四十三卒晉惠八衛文十七蔡  
莊三鄭文三十曹共十陳穆五杞成

十二宋襄八秦穆  
十七楚成二十九

春齊人徐人伐英氏

左傳齊人為徐  
伐英氏以報婁

林之役杜氏曰英氏楚與國張氏曰阜陶後之封也桓  
公之興師末矣王氏曰不能病楚而徒伐其與國之小  
者桓之霸業微矣愚按今廬州六安州英山縣疑即英  
氏國桓公舍楚不討而加兵於厲與英氏虐區區之小  
國是縱豺狼  
而搏狐鼠也  
○夏滅項  
左傳師滅項程子傳滅人之國  
罪惡大矣在君則當諱故魯滅  
國書取滅項君在會季孫所為也故不諱杜氏曰項國  
今汝陰項縣張氏曰項國子爵今陳州項城縣愚按今  
汴梁路陳  
州商水縣

史記卷八十五

春秋列傳附錄卷五

三

按左氏淮之會公有諸侯之事未歸而取項齊人以

為討而止公

杜氏曰諸侯之事會同講禮之事

然則滅項者魯也二

傳以為桓公滅之孰信乎考於經未有書外滅而不

言國者如齊師滅譚莊是也亦未有書內取而直言

魯者如取鄆

音專成六

取郛

音詩襄十三

取鄆

昭四是也

陳氏岳曰凡書

外事各言其國內事不言我外事如齊師滅譚齊人滅遂之類是也內事則取汶陽田取郛取郚之類是也未有書外事不言其國未有書內事而言魯者蓋言國以別內也愚按晉悼公以諸侯滅偃陽楚以諸侯滅賴因會祖伐吳而由此知項為魯滅無疑矣然繼事以滅之則皆書遂

聖人於魯事有君臣之義凡大惡必隱避其辭而為

于偽反

之諱今此滅項其惡大矣曷不諱乎曰事有隱

諱臣子施之於君父者也故成公取鄆襄公取郛昭公取鄆皆不言滅而書取程氏以為在君則當諱是也若夫滅項則僖公在會季孫所為耳執政之臣擅權為惡而不與之諱此春秋尊君抑臣不為朋黨比

毗志反

周之意也

詳見成六年張氏曰於此見聖人文理密察亦所以示人五刑五用必審

其人然後當罪也陳氏曰公猶在齊滅項非公命也向也費伯帥師城郛非公命不書此何以書城郛即常

事滅項非常也是故常事議不及公則不書苟非常則謹書之書滅項失兵權之漸也襄公在晉書邾庶其來奔昭公在晉書莒年夷來奔雖非公命皆非常也春秋必謹而志之家氏曰僖公德季氏擁佑之私假之以權待之不疑其後遂至不可制襄在楚而宿取卞昭在晉而意如納邾莒叛人每乘公出而肆其無忌由此年滅項有以啟之耳。啖氏曰公穀皆云齊滅之為齊桓諱也按其文義乃是魯滅豈可為齊諱而魯自取惡乎齊桓雖賢滅項非合義何得為之諱乎劉氏曰桓公與山戎戰春秋貶之降侯為人夫戰山戎孰與滅中國滅中國反可諱而戰山戎反不得諱乎

秋夫人姜氏會齊侯于卞

卞皮彥反左傳聲姜以公故會齊侯于卞杜氏曰卞魯國

卞縣張氏曰在今襲慶府泗水縣大臣滅項而止僖公刑已偏頗又遠會婦人于魯地此管仲既亡桓公志荒

之政也愚按泗水縣今屬濟南路兗州臨川吳氏曰此  
蓋會淮之後齊獨止公將執之以歸夫人齊女也聞公  
見止要齊侯于路而會之非齊侯已歸而再出會姜氏  
也婦人無外事魯之諸夫人聲姜頗為賢婦詩人以令  
妻頌之而猶有此失蓋於見聞之非盲於禮義之正  
是以好成人之美者惜焉高氏曰論其情則可矣而禮  
則不可也小白入魯地而會聲

九月公至自會

左傳九月公至

書曰至自會猶有諸侯之事焉且諱之也杜氏曰恥見  
執託會以告廟范氏曰桓會不致而今致桓公德衰威  
信不著張氏曰公會諸侯而大臣減人之國得罪於伯  
主反國不討無政刑矣故謹之臨川吳氏曰以夫人會  
齊侯故公於中路得釋而

○冬十有二月乙亥齊侯小

白卒

桓公也在位四十三年長子無虧被殺宋納公子昭立之是為孝公左傳齊侯之夫人三王姬徐嬴

蔡姬皆無子內嬖如夫人者六人長衛姬生武孟少衛姬生惠公鄭姬生孝公葛嬴生昭公密姬生懿公宋華子生公子雍公與管仲屬孝公於宋襄公以為大子雍巫有寵於衛共姬因寺人貂以薦羞於公亦有寵公許之立武孟管仲卒五公子皆求立十月乙亥齊桓公卒易牙入與寺人貂因內寵以殺羣吏而立公子無虧孝公奔宋十二月乙亥赴辛巳夜殯東萊呂氏曰桓公雖能用管仲攘夷狄伯諸侯有一匡天下之功然仲無正心誠意格君之學徒急於一時之功利卒致五子之亂其所以有始無終者家法不正也管仲且有三歸之失豈能正其君哉永嘉呂氏曰伯者之興小白為威王禁明而王臣不下聘者六十年盟會同而諸侯無私爭者三十年序績召陵而荆帖陳旅蕭北而狄退獻捷于魯而我難弭陳兵車于淮而淮夷畏安攘之烈前此未有也然小白一身威衰三變伐邾侵宋侯度未一入蔡侵鄭戎疾未殄滅遂降鄆設施多舛遇穀盟扈檢防易肆



此圖伯之初也貫澤而下葵丘以前衣裳不軟血兵車無大戰此定伯之日也九國叛而萌震矜管仲死而廢繩墨城杞貶於城邢救徐急於救許此成伯之後也功不掩過先儒論之當矣

已襄王十年十有八年宋襄九齊孝公昭元年晉惠九衛文十八蔡莊四鄭文三十一曹共十一

陳穆六杞成十三秦穆十八楚成三十春王正月宋公曹伯衛人邾人伐

齊宋公下有會字左傳宋襄公以諸侯伐齊杜氏曰納孝公穀梁傳非伐喪也夏師救齊穀梁

傳善救齊也五月戊寅宋師及齊師戰于廩魚免反齊師敗績

左傳齊人殺無虧將立孝公不勝四公子之徒遂與宋人戰宋敗齊師于廩立孝公而還穀梁傳戰不言伐客不言及言及惡宋也程子傳書宋及曲在宋也奉少以奪長其罪大矣齊師敗績書敗績齊臣也杜氏曰廩齊

地無虧既死曹衛邾先  
去故宋師獨與齊戰

狄救齊

穀梁傳善救齊也

伐齊之喪奉少

去聲

奪長

上聲下同

其罪大故其責詳書師

救齊者善魯也救者善則伐者惡矣

本李氏集義高氏曰以魯與狄

之救為善則宋伐齊喪為不正矣

凡書救者未有不善之也書狄救

齊者許狄也許狄人則罪諸夏矣許之曷為不稱人

深著中國諸侯之罪也

常山劉氏曰諸侯伐喪不道如此狄乃能行義以兵救之

聖人哀中國無王諸侯滅義以為當時惜也薛氏曰聖人與狄之救猶賢乎宋也臨川吳氏曰書師救齊於伐齊之後則救者救無虧也書狄救齊於齊師敗績之後時無虧已死齊無君矣故杜氏云救四公子

之徒雖緩不及事然亦書救終美之也

凡伐者為客受伐者為主

公羊春秋

伐者為客伐者為主何氏曰  
伐人者為客見伐者為主

今齊人受伐以宋為主

者曲在宋也

何氏曰戰言及所以別主客直不直也孫氏曰宋襄伐人之喪擅易人之主故

以宋主齊不與宋襄伐齊也

凡師直為壯曲為老

僖二十八年子犯云云

書齊

師敗績者責齊臣也或曰桓公管仲嘗屬

章欲反

孝公

於襄公以為世子矣則何以不可立乎曰不能制命

雖天王欲撫鄭伯以從楚春秋猶以大義裁之而不

與也

五年桓公定王太子鄭會于首止王使周公召鄭伯曰吾撫汝以從楚鄭伯逃其師而歸春秋

敗鄭伯書  
逃歸不盟

桓公君臣乃欲以私愛亂長幼之節其可

哉獨不見宣王與仲山甫爭魯侯戲拈之事其後如

之何也

周語魯武公以括與戲見王王立戲仲山甫諫曰不可王卒立之武公卒魯人殺懿公而

立伯御宣王伐魯立  
孝公諸侯從是不睦

春秋深罪宋公大義明矣

通旨  
問宋

師及齊師戰是宋公也何以書師既敗之何以不書  
人曰稱師見其用大衆也而貶在其中矣是以師為  
重以襄公為輕矣又問宋公伐齊為納公子昭也何  
以不書納公子昭于齊乎曰不與納也納昭非正也  
公伐齊納糾亦非正則何以書書納糾糾所以著莊公  
之罪也止書伐齊而不書納糾則莊公得復讎之義  
矣或書或不書其義自異不可不察也劉氏曰宋襄  
有憂中國之心伯天下之意而道不足也故合諸侯

舉大衆不務率義而先為不正以矜其力此所以無功也諸侯失國諸侯納之正也不曰納公子昭于齊不與納也曷為不與納公子昭非正也王氏箋義無虧既立踰年之君也而宋人脅齊殺之將立孝公復與齊人戰四公子之徒爭國家伐喪皆不義也張氏曰長幼有定分桓公管仲不能自制其尊卑正否之辨而輕屬幼少以為亂階君臣既失制命之義矣今桓公未葬長子既立宋襄不能從宜因勢順其少長以撫定之使得以終桓公之喪乃成桓之私意帥諸侯奉少奪長大亂齊國春秋書宋公以為戎首深罪之也永嘉呂氏曰桓公舍當立而屬公子昭于宋不可謂之正又蔽於雍巫之言而許立無虧不可謂之明身死之後豎貂易牙立公子無虧其名則立長也宋襄伐喪而納公子昭其名則桓公之所屬也彼此交爭國內大亂凡皆桓公之為也春秋不書昭之當立與否而但書其戰伐敗救之事其義深矣然則昭

與無虧之事孰正曰以義則無虧正桓公屬公子昭於宋以為太子則桓公之罪也。劉氏曰戰于鹹公羊云曷為不使齊主之與襄公之征齊也非也晉卻克及齊侯戰于鞏寧可亦曰與晉卻克之征齊乎所異於晉者何哉

秋八月丁亥葬齊桓公

杜氏曰孝公立而後得葬

桓公九合諸侯不以兵車

朱子曰九當作糾左傳展禽曰桓公是以糾合諸侯

劉氏曰會于幽為九合之始始于幽終于淮合者九也而皆不以兵車鄆陽萬氏曰穀梁稱衣裳之會十有一而左氏於鄆之再會曰齊始霸也是北杏之會鄆之初會皆在未霸之前則桓公既霸衣裳之會止於九合而已或者以北杏陽穀非管仲之欲或又以鄆幽再會以地而言則止於九皆未免臆度之說也

威令加乎四海幾於改物

昭九注改正朔易服色

雖名方伯實

行天子之事然而不能慎終如始付託非人桓方在

殯四鄰謀動其國家而莫之恤至於九月而後葬

前年

十二月辛

以此見功利之在人淺矣春秋明道正義不急

近功不規小利於齊桓晉文之事有所貶而無過褒

以此

張氏曰桓公自入國以來急於功利志於富疆其處已待人皆不以正心正家為務肉不及寒

而庶孽爭國宋伐其喪冢子見殺國幾於亡足以見伯者之不足貴而聖門不道之實矣

冬邢人狄人伐衛

狄始書人左傳邢人狄人伐衛圍蒧圖衛侯以國讓其父兄子弟及朝衆

曰苟能治之燬請從焉衆不可而後師于此嘗婁狄師還穀梁傳狄其稱人何也善累而後進之伐衛所以救齊也功近而德遠矣

狄稱人進之也

何氏曰狄稱人善能救齊有憂中國之心故進之

慕義而來

進之可也逞兵威伐衛而進之可乎伐衛所以救齊

也

孫氏曰狄稱人善救齊

衛嘗亡滅東徙渡河無所控告齊桓

公攘戎狄而封之使衛國忘亡誰之賜也

事在二年

桓公

方沒不念舊德欲厚報之遽伐其喪亦太甚矣以直

報怨聖人之公也

朱子註於其所怨者愛憎取舍一以至公而無私所謂直也

以



怨報怨天下之私也

懷怨抱憤必報復而不忘乃一己之私意非聖人至公之心矣

以德報怨寬身之仁也

表記疏以直報怨是禮之常今以德報怨是寬愛己身之

民欲苟息禍患非禮之正

以怨報德刑戮之民也

同上疏禮當以德報德今以怨

報德其人凶惡是合刑戮

至是人理亡矣桓公攘外寇安中國免

民於左衽

而審反

諸侯不念其賜而於衛為尤先書狄

救齊以著中國諸侯之罪再書狄人伐衛所以見

音現

救齊之善功近而德遠矣

范氏曰伐衛功近耳遠人而憂中國其德遠也高郵

孫氏曰衛嘗見滅於狄而齊桓封之桓死未踰年而衛與諸侯伐之邢自以復存者桓公也於是不忍齊

之見伐而衛之無恩也與狄人伐之張氏曰邢黨狄以伐衛然論其曲直則衛之忘恩背霸以伐喪奪長直得聲罪致討之師故人狄以進之見罪衛之深也臨川吳氏曰衛伐齊喪固有罪然非主兵首惡也邢小國黨異類伐同姓或者逼於狄之命不得已與其後衛竟滅邢其怨讎未必不基於此也高氏曰伐衛以邢為首者衛雖有罪而邢不當與狄連兵以伐兄弟之國且不可以邢而後乎狄也

庚襄王十

十有九年

宋襄十齊孝二晉惠十衛文十九

辰一年

蔡莊五鄭文三十二曹共十二陳

穆七杞成十四秦穆

春王三月宋人執滕子嬰齊

左傳

宣公

執之是非決於稱人與稱爵

公羊稱侯而執伯討也稱人而執非伯討也劉

氏曰執之是非決於稱人與稱侯而不繫名與不名者也

而見執者則以名與不

名知其罪之在也經書見執於人者悉皆不名而滕

子獨名是亦有罪焉爾夫以齊桓之盛九合諸侯不

以兵車雖江黃遠國猶相繼來盟而滕介

側畔也

齊宋

之間不與

音預

衣裳之會者三十有七年及宋襄繼起

又不尊事大國其見執則有由矣書名著其罪也苟

為有罪其見執固宜宋何以稱人不得為伯討乎執

雖以罪不歸于京師則稱人惡

去聲下同

其專也

如成九年鄭戴

於楚晉執鄭伯既不以王命又不歸京師故稱晉人  
孫氏曰五等之國皆諸侯也其或有罪方伯請于天  
子天子命之執則執之不得專執也執  
得其罪其罰輕執不得其罪其罰重  
歸于京師而

執非其罪則稱人惡其濫也

僖二十八晉文執衛侯  
歸京師為臣執君執不

以正故亦書晉人高郵孫氏曰齊桓之盛江黃之遠  
猶斂衽聽命而滕自幽盟之後未嘗列於衣裳之會  
今又不能尊事大國以取執辱故書名罪之宋襄藉  
齊桓之後非有德義以服諸侯肆已之強一會虐二  
君以陵轢諸夏故書人以貶之春秋不以不正治不  
正所以人宋而名滕子也薛氏曰宋襄執滕子以威  
求伯也臨川吳氏曰宋襄志在繼齊桓之伯然去春  
首伐齊喪奉少以篡長今春首執滕子恃強而凌弱  
如此欲霸得乎蓋以滕子久不與齊盟故執之以威  
諸侯然非有德義以服人心肆已之暴所以終於無

成也。愚按經書執國君者十有三，惟成十五年晉侯執曹伯，執得其罪，又歸諸京師，故以伯討與之餘皆書人，悉非伯討也。然見執者皆不名，惟此年滕子嬰齊、哀四年晉執戎蠻子赤，書名蓋嬰齊自外於齊盟，蠻氏亂而無質，故名以貶之也。孫氏發微謂嬰齊名者，遂失國也，於義亦通。

# 夏六月宋公曹人邾人盟于曹南

公作宋人，范氏曰：曹南，曹之南，邾通旨問。

宋大國君在是，而曹邾敢以微者來，何也？曰：宋方求合諸侯，非諸侯歸之也。故君往而微者來，盟陳氏曰：邾文公在焉，其稱人何？人曹邾以貶宋也。屬辭疑於此，否曷為謂之貶？以明年鹿上之盟亦人，宋則未嘗予宋以伯也。○蜀杜氏曰：鄆子會盟于邾，公羊傳其言會盟何？後公羊宋稱人誤。鄆子會盟于邾，會也。杜氏曰：不及曹南之盟，諸侯既罷鄆子，乃會之于邾，故不言如會臨川。吳氏曰：蓋鄆子如會適遇宋公歸國，及邾之境，故言會盟。

于已酉邾人執鄆子用之

左傳宋公使邾文公用鄆子于次睢之社欲以屬東夷司

馬子魚曰古者六畜不相為用小事不用大牲而況敢用人乎祭祀以為人也民神之主也用人其誰饗之齊桓公存三亡國以屬諸侯義士猶曰薄德今一會而虐二國之君又用諸淫昏之鬼將以求霸不亦難乎得死為幸昭十一申无字曰五性不相為用况用諸侯乎公羊傳惡乎用之用之社也其用之社奈何蓋叩其鼻以血社也殺梁傳微國之君因邾以求與之盟人因已以求與之盟已迎而執之惡之故謹而日之也用之者叩其鼻以血社也杜氏曰蓋殺人而致祭臨川吳氏曰用之者殺之而用其尸為牲以祭神張氏曰蓋鄆子會曹南之盟而後期宋公使邾執之邾鄆世仇因附勢而肆虐用之惡也觀後日戕鄆子亦出於邾則邾之虐鄆必自用鄆子而天子不誅所以復出為惡與高氏曰宋公之盟曹南怒鄆子不至故欲用之而子魚諫焉邾人修

鄧舊怨遂承其意執而用之也不然則宋修霸業邾從宋盟安敢輒戮鄧而不懼討乎宋既不討則意從可知矣宋襄圖霸而縱容同盟暴虐與國何以求諸侯乎經書鄧子與蔡世子有皆曰用之而不書所用之迹蓋聖人所不忍言但曰用之則知其以人為用也惡之故謹而日之諸侯終則名鄧子不名史佚之愚按邾子稱人貶也上言會盟于邾則非微者明矣

**秋宋人圍曹**

左傳宋人圍曹討不服也子魚言於宋公曰文

王聞崇德亂而伐之軍三旬而不降退修教而復伐之因壘而降今君德無乃猶有所闕而以伐人若之何盍姑內省德乎無闕而後動杜氏曰曹雖與盟而猶不服

**盟于曹南口血未乾**

音干

**今復**

扶又反

**圍曹者討不服也**

臨川吳氏曰宋襄以威迫曹而與之盟故曹不心服**愛人不親反其仁治人不**

治

去聲

反其智襄公不能內自省德而急於合諸侯執

嬰齊非伯討不足以示威盟曹南非同志不足以示

信卒於兵敗身傷不知反求諸已欲速見小利之過

也漢景削七國而吳楚叛

前電錯傳景帝即位遷御史大夫錯請諸侯之過削

其支郡後十餘日吳楚七國俱反以誅錯為名上乃斬錯東市

東都疾橫

去聲

議而黨

錮興

後黨錮傳桓靈間主荒政謬國命委於閹寺故匹夫抗憤處士橫議危言深論不隱豪強於是

天子震怒逮捕黨人自是正直放廢邪枉熾結其死徙廢錮六七百人土類殲滅國隨以亡

唐文

宗切於除姦而訓注用

唐書文宗始因李德裕牛僧孺以朋黨相軋數曰去河北



賊易去朝廷朋黨難乃用李訓鄭注專執朝政不附者指為黨人而逐之上深惡宦官遂信訓注欲以詐謀除累世之姦至於血流禁署禍及忠良訓注誅上亦憤崩

故子夏為莒父宰問

政子曰無欲速無見小利欲速則不達見小利則大

事不成

朱子註欲事之速成則急遽無序而反不達見小者之為利則所就者小所失者大矣愚

按襄公志在近小非特不能成大功雖小利亦未嘗遂僅一盟曹南而曹不服再盟廐上會孟而束手就擒於荆

蠻矣

經書襄公不越數端而知其操心之若此者

仲尼筆削推見至隱如化工賦象并其情不得避焉非特畫筆之肖其形耳故春秋者化工也非畫筆也

張氏曰齊桓之伯屈已去怨盟魯平宋以致諸侯先  
近故也今襄公欲圖諸侯近於宋者莫如曹滕滕既  
執矣曹方與盟已而復叛不從子魚內省德之言而  
亟事干戈宜其不遂霸也陳氏曰此宋公圍曹也其  
稱人貶也宋公欲合諸侯而亟修怨於曹諸夏之圍  
國自是始愚按經書列國之加兵於曹者十有三而  
宋居其七焉蓋自僖十五年間曹之以兵佐齊桓而  
伐之至此憤其貳乃環其國都而攻之宣三年復圍  
之哀之三年六年樂髡向巢再伐七年又圍之八年  
遂入而鄆其君終滅其國比事攷之不貶而罪自見  
矣

衛人伐邢

左傳以報菟圃之役張氏曰衛不自省其從  
宋伐喪之罪而以報復為事罪之也高氏曰

衛不伐狄而伐邢是以人之。啖氏曰左氏竊莊子之言皆飾妄之辭也

○冬會陳人蔡人

楚人鄭人盟于齊

公作公會楚始與齊盟左傳陳穆公請修好於諸侯以無忘齊桓之德盟

于齊修桓公之好也杜氏曰地以齊齊亦與盟

盟會皆君之禮也微者盟會不志于春秋凡所志者

必有君與貴大夫居其間也然則為此盟者乃公與

陳蔡楚鄭之君或其大夫矣

據左傳稱陳穆公

曷為內則沒

公外則人諸侯與其大夫諱是盟也楚人之得與

音預

下得中國會盟自此始也莊公十年荆敗蔡師始見

音現于經其後入蔡伐鄭皆以號舉蓋外之也僖公元

年改而稱楚經亦書人於是乎浸強矣然終桓公世

皆止書人而不得與中國盟會者以齊修伯業能制

其強故也桓公既沒中國無霸鄭伯首朝于楚

十八年鄭

文公始朝于楚楚子賜之金二十二年鄭伯又如楚二十四年宋成公亦如楚其後遂為此

盟故春秋沒公人陳蔡諸侯而以鄭列其下蓋深罪

之也

薛氏曰後鄭者鄭為之下也愚按陳自晉文之後服屬荆蠻雖或暫從中國而輒貳中國亦以

有陳非吾事蔡自會狄泉以往甘心南向不與中國盟會鄭亦數同數異犧牲玉帛待於二竟陳蔡則屢滅於楚而僅存鄭亦困逼於楚終春秋之世又二年復扶又盟于鹿上至

會于孟遂執宋公以伐宋而楚於是乎大張列位於  
陳蔡之上而書爵矣聖人書此豈與之乎所以著楚  
人之強傷中國之衰莫能抗也故深諱此盟一以外

楚人二以惡

去聲

諸侯之失道三以謹盟會之始也

陳氏

曰楚初與諸夏盟也內不言公諱之也以其人楚不  
可不人陳蔡以其人陳蔡不可以不沒公也家氏曰  
序陳人為首陳倡盟也序鄭于下鄭首叛也此楚人  
始會故諱公略齊侯書法特為謹嚴不與楚人之盟  
中國也張氏曰會不書公當從左穀楚欲得志於中  
國久矣齊桓討而攘之其後桓志稍衰滅黃敗徐駁  
駁抗衡然尚有所懼也桓公既沒宋襄欲圖伯而諸  
侯不服故楚假不忘桓德之說求參預中國之盟會

陳蔡及鄭皆近楚而素服之者故先受其謀齊孝公  
親見其父極力攘楚聽其甘言納之國都而與盟僖  
公亦忘是懲之志偕之同軌不知非我族類其心必  
異楚因是以行其志於中國春秋諱公而人諸侯所  
以謹其始也愚按于齊之盟魯及諸侯盟楚之始也  
鹿上之盟外諸侯盟楚之始也故皆以微者書而深  
貶之會孟盟薄盟宋直書不諱又所以著其凌駕中  
國之暴而諸侯皆俛焉從之也幸而晉文城濮之捷  
得以却其方張之勢晉伯不振而楚莊竊討賊之義  
盟于辰陵遂主諸侯于蜀之盟十有一國之大夫皆  
貶書人魯不諱公視盟齊雖若未減然人諸國大夫  
乃所以人公也厥後于宋于虢晉楚狎主齊盟而于  
申十有三國且用齊桓召陵之禮春秋欲諱之而有  
不勝諱矣是知春秋貶于齊之盟所以謹禮於微處  
患於  
早也

梁亡

左傳梁伯益其國而不能實也命曰新里秦取之遂城而居之梁亡不書其主自取之也初梁伯好

土功亟城而弗處民罷而弗堪則曰某寇將至乃溝公宮曰秦將襲我民懼而潰秦遂取梁公羊傳此未有伐者其言梁亡何自亡也其自亡奈何魚爛而亡也穀梁傳自亡也洒於酒淫於色心昏耳目塞上無正長之治大臣背叛民為寇盜如加力役焉洒不足道也梁亡出惡正也鄭棄其帥惡其長也杜氏曰以自亡為文非取者之罪所以惡梁梁國今馮翊夏陽縣張氏曰梁嬴姓伯爵伯翳之後梁地今同州彭城縣愚按同州今屬奉路元

陸淳曰秦肆其暴取人之國沒而不書其義安在曰

乘人之危惡易

去聲下同

見也滅人之國罪易知也自取

亡滅者其事微矣春秋之作聖人所以明微也

本微音

梁本侯國魚爛而亡何哉

何氏曰魚爛從內發百姓一旦相率俱去狀若魚爛

易曰天行健君子以自强不息

朱子本義天一日一周明日又一周非至

健不能君子法之不以人欲害其天德之剛則自強而不息矣

古者諸侯朝修其禁

令晝攷其國職夕修其典刑夜徹百工無使惰

音韜慢也

淫而後即安

魯語

故克勤于邦

大禹謨

荒度

待洛反

土功者

益稷注荒大也以大相度平治水土之功也

禹也慄慄危懼

湯誥

檢身若不

及者

伊訓

湯也自朝至于日中昃不遑暇食用咸和萬



民者

無逸

文王也凡有國家者土地雖廣人民雖衆兵

甲雖多城郭雖固而不能自強於政治則日危月削

如火消膏以至滅亡而莫覺也而況好

去聲

土功輕民

力

本左氏

湏於酒淫於色心昏而出惡政者乎

本穀梁何氏曰

梁君隆刑峻法一家犯罪四家坐之一國之中無不被刑

其亡可立而待矣

臨川吳氏

曰梁伯不能君國子民以致民逃其上秦因得以取其地故不書秦滅梁而以自亡為文張氏曰梁國之亡禍由於內如魚之爛外未見而內先潰矣春秋變法以書諸侯自取滅亡者有二晉人執虞公猶言兵已加於頸而不自知也梁亡言國自亡而不之覺也李氏瑾曰書梁亡所以深惡梁非言秦得滅人國也

愚按漢帝禪末年委權閹寺國無政令玩戎黷武民勞卒敝鄧艾兵至皇子諶謂當父子君臣背城一戰同死社稷而帝不聽率羣臣面縛以降朱子於綱目持書漢亡亦春秋之意歟

辛襄王十

二十年

宋襄十一齊孝三晉惠十一衛文二已二年

穆八杞成十五秦穆二十楚成三十二

春新作南門

左傳新作南門書不時也公羊傳何以書

譏何譏爾門有古常也穀梁傳作為也有加其度也言新有故也非作也南門者法門也

言新者有故也言作者創始也

杜氏曰言新以易舊言作以興事皆更造

之文也孫氏曰新延廡不言作此言作改舊可知

其曰南門者南非一門也

庫門天子臯門雉門天子應門

見明堂位注天子五門臯庫雉應路魯有

庫雉路疏魯之庫門制似天子臯門雉門制似天子應門檀弓魯莊公之喪既葬而經不入庫門書

新作南門譏用民力於所不當為也

高郵孫氏曰譏其侈泰妨農功

改舊制

魯人為長府閔子騫曰仍舊貫如之何何必改

作孔子曰夫人不言言必有中

去聲臨川王氏曰改作勞民傷財在於得

已則不如仍舊貫之善

春秋凡用民力得其時制者猶書于策

以見

音現

勞民為重事而况輕用於所不當為者乎然

僖公嘗修泮宮復閔宮矣奚斯

公子魚

董

督也

其役史克

頌其事

詩小序李孫行父請命于周而史克作頌泮水頌僖公能修泮宮也閔宮頌僖公能復周

公之宇也閼宮卒章云奚斯所作朱子傳泮水燕飲落成之詩閼宮則為僖公修廟之詩泮宮諸侯之學其東西南方有水形如半壁故曰泮宮閼深閼也宮廟也而經不書者宮廟以事

其祖考學校以教國之子弟二者為國之先務雖用

民力不可廢也其垂教之意深矣

劉氏曰南非一門庫門天子臯門雉

門天子應門南門者天子之門非諸侯之門也天子諸侯皆南面而聽政門必嚮南其來舊矣新其舊而書新作是必有舊制焉南門之僭自僖公始罪其不可為而為故曰新作二百四十二年所興作多矣不必書也僖公修泮宮詩人頌之而春秋不書泮宮諸侯之學僖公修之得其時制故不書新宮災太室屋壞災與壞不能不修而經無修之文雉門及兩觀災記新作焉吾以此數者參之修舊不足書其書者皆

非禮之制也。高氏曰：改舊制而增大之罪，不止於勞民而已。玉藻曰：天子聽朔於南門之外。書曰：逆子剗于南門之外。此天子之門也。魯之舊制，豈可改乎？王氏曰：顧命孔氏傳：南門路寢門，則知魯南門乃路門也。魯庫雉二門，既用天子之制，惟路門仍舊，故僖公因其弊而斥大之，愚按僖公之經，竝無城築上功之事，則庶幾其能愛民矣。而猶有南門之役，且不免於過制而僭上，春秋特書新作以譏之，抑責備賢者之意歟。

# 夏郕子來朝

左氏二十四年傳：富辰曰：郕，雍曹滕文之昭也；杜氏曰：郕，姬姓國。張氏曰：後漢志：濟

陰成武北有郕城，夾潞。鄭氏曰：郕有二桓，二年取郕大邑北郕也。在今單州。成武，郕子來朝南郕也。今單州有二郕城。王氏曰：郕分為南北，皆附庸於宋。陸氏曰：公羊云：失地之君也。按經無異文，無所據也。劉氏曰：若失

地之君何得言朝又公羊以郕滅在春秋前按春秋以來且九十年郕子失地殆三世矣猶能自歸同姓躬行朝禮無乃不近人情乎

○五月乙巳西宮災

公羊傳西宮小寢也

魯子曰以有西宮知諸侯之有三宮也西宮災記異也杜氏曰公別宮何氏曰禮夫人居中宮少在前右媵居西宮左媵居東宮少在後家氏曰小寢人君燕私之地災見於是警戒深矣人君之過不在朝路臨蒞之時而常在深宮燕處之際天之示譴豈徒然哉○陸氏曰穀梁云閔宮也按謂之西宮直是僖公之西宮爾劉氏曰穀梁以僖公受國閔公繼之如君父何為不可謂之新宮以新宮近稱宮而更謂之西宮比稱謚不亦愈疏乎

○鄭人入滑

左傳滑人叛鄭而服於衛鄭公子士洩堵

侯滑服於衛遽興師而入其國必欲滑為已屬蓋強之凌弱如此王氏曰滑與鄭為鄰齊桓時常與鄭同盟幽

今中國無伯鄭首從楚遣二卿長驅而入滑無忌憚甚矣故略而人之張氏曰此記天王出居于鄭之始釁也

# ○秋齊人狄人盟于邢

左傳齊狄盟于邢為邢謀衛難也於是衛方病邢穀梁傳邢為

主焉爾何氏曰狄稱人能常與中國張氏曰書狄例以國稱而同之於齊稱人之列者昔宋伐齊喪而能救之今衛欲滅邢而狄謀存之從中國以救災恤患此君子之道故人以進之人狄則罪衛之意明矣此見聖人仁天下之公心也家氏曰甚哉齊孝之無知也桓公征楚而服之已乃與之盟于國桓公攘狄而却之已乃與之盟于邢書曰厥父菑厥子乃弗肯播厥父基厥子乃弗肯堂其齊孝之謂乎平庵項氏曰邢人狄人伐衛見邢之亂征伐也齊人狄人盟于邢見齊之亂盟會也愚按伐衛盟邢春秋皆以狄稱人於齊邢之下而不殊序所以深惡中以深惡中

# ○冬楚人伐隨

左傳隨以漢東諸侯叛楚楚闕穀於菟帥師伐隨取成而

還穀梁傳隨國也杜氏曰隨國今義陽隨縣愚按今陝州路隨州張氏曰楚力方強隨欲復漢東諸侯于中國而德不足以勝之此所以召兵而自屈也左氏罪其不量力不若孟子師文王之論高氏曰隨自是服屬於楚至哀元年會楚子圖蔡襄陵許氏曰楚既服隨則將爭衡于上國而宋欲盟之其能誦乎

壬襄王十  
午三年

二十有一年

宋襄十二齊孝四晉惠十二衛文二十一蔡莊七鄭文三十四

曹共十四陳穆九杞成十六  
秦穆二十一楚成三十三

春秋侵衛

杜氏曰為邢故臨川吳氏曰中

國無伯而狄得假名義以侵列國因宋曹衛邾伐齊喪則仗義興師以救齊又聲衛伐喪之罪而與邢協力以伐衛衛因邢之黨狄伐已而伐邢以報怨且憾邢未已則狄又援齊而盟以為邢謀至此遂為邢而侵衛前之伐以衛伐喪之惡有罪可數故稱伐今之侵以衛有滅邢之心無事可指故稱侵侵者言其師之無名也愚按



前伐衛盟邢以狄有救患之善故稱人此復侵衛惡其浸以內侵故舉其本號也

# ○宋人齊人

## 楚人盟于鹿上

左傳宋人為鹿上之盟以求諸侯於楚楚人許之公子自夷曰小國爭盟禍也

宋其亡乎幸而後敗杜氏曰鹿上宋地汝陰有原鹿縣宋為盟主故在齊楚上愚按鹿上今河南府路亳州鹿邑縣通志鹿上之盟是宋公也何以稱人齊桓攘楚以安中國宋公盟楚以求諸侯陳氏曰襄公欲合諸侯而執滕宣公使邾文公用鄆子一會而虐二國之君而亟與楚盟是喪師亡身之道也臨川吳氏曰宋襄欲圖霸合諸侯而德義不足以感人曹南之盟僅能脅服至近之曹至小之邾而曹復懷貳楚之勢力足以感人盟齊而魯陳蔡鄭皆從之此宋襄所願欲而不可得者故求之於楚欲借楚之令使諸侯從已曾不思楚強夷也齊桓之霸如此其威猶敢時出猾夏宋襄既無齊桓之德義又無楚顯之勢力乃倚楚為重欲得其所從之諸侯

是求肉於虎其遭執辱也宜哉楚君既稱人則齊宋二君亦降稱人若宋齊稱爵則疑楚人為大夫矣張氏曰霸中國者宋之欲也亂中國者楚之欲也欲霸中國而求之於夷狄亂常之楚與之同盟此春秋所以列序而人之以著襄公之自取敗辱也

○夏大旱

左傳大旱公欲焚巫尪臧文仲曰非旱備也修城郭貶食

省用務穡勸分此其務也巫尪何為天欲殺之則如勿生若能為旱焚之滋甚公從之是歲也飢而不害公羊傳記災也杜氏曰雪不獲雨故書旱高氏曰言大者久且甚之辭春秋書大旱者二此夏與宣七年秋也愚按春秋歷時不雨則書不雨但一時不雨而為災則書旱莊三十一年冬不雨不曰旱者五穀既登則害於民者淺故不書旱耳

○秋宋公楚子陳侯蔡侯鄭伯許男曹伯會于

孟

孟公作霍穀作雩或為字楚始稱子

執宋公以伐宋

左傳諸侯會宋公于孟子魚曰禍其

在此乎君欲已甚其何以堪之於是楚執宋公以伐宋公  
羊傳宋公與楚子期以乘車之會公子目夷曰楚夷國  
也強而無義請君以兵車之會往公曰吾與之約以乘  
車之會自我為之自我墮之不可終以乘車之會往楚  
人果伏兵車執宋公以伐宋穀梁傳以重辭也程子傳  
宋率諸侯為會而蠻夷執會主諸侯莫違故以同執書  
之杜氏曰孟宋地鄭氏  
曰鄭地今懷孟路孟州

# 執宋公者楚子也

臨川吳氏曰楚以子爵叙侯伯之上故宋公之執不待言楚而知其

為楚矣前盟鹿上後使宜申楚皆稱人此獨稱子者  
蓋執宋公不可言執宋人宋公既爵則陳蔡鄭許曹  
皆須爵否則疑若君與大夫會  
五國稱爵則楚不得不稱爵  
何以不言楚子執之  
據溴梁會下執莒  
子邾子復出晉人  
分惡於諸侯也諸侯皆在會而荆

蠻執其會主拱手以聽而莫之敢違其不勇於為義亦甚矣故特列楚子於陳蔡之上而以同執為文

孫氏

曰不與楚子執宋公故以諸侯共執為文所以抑強夷而存中國也陳氏曰執非伯討恒稱人齊執陳轅濤塗伐稱君執稱人晉執衛侯會稱君執稱人韓不信執宋仲幾會稱大夫執稱人此楚子執宋公曷為不再稱楚人不以荆楚執諸夏之辭也是故執宋公不申言楚人執齊慶封亦不申言楚人猶曰諸侯執之云

爾

夫以楚之強豈能勝秦五國之衆何弱於趙然

澠

音緬

池之會藺相如一奮其氣威信

音伸

敵國秦雖虎

狼猶不敢動

史藺相如傳秦王告趙王會澠池相如從及會飲酒秦王請趙王鼓瑟趙王鼓

之相如請秦王擊趙秦王不肯相如曰五步之內相如請得以頸血濺大王矣左右欲刃之相如叱之皆靡秦王乃一擊趙秦終不能加勝於趙趙亦盛設兵以待秦秦不敢動

況以五國之君

而不能得志於荆楚乎宋以乘

繩證切

車之會往而楚

伏兵車以執之則宋直楚曲其義已明雖以匹夫自

反而縮猶不可恥矧南面之君也哉

趙氏曰此楚執耳其以諸侯執

之之辭何也譏諸侯也南面之君兵馬非不多也力非不足也而聽蠻夷之君執辱盟主故譏之宋公德不足懷慮不及遠而求諸侯以及於難故罪之張氏曰孔子相定公會齊侯此會中國也猶以文事不可無武備請司馬以行以楚之夷而可信其詐偽之約乎徒出約之是輕以其身溺於虎狼之羣也陳蔡鄭

許曹皆中國也蠻夷執會主而無一人伸義以正曲直之分豈非自同於狂僭之類乎故以諸侯同執為文以罪襄公非但不識楚人譎詐之心且無以知五國之不同心而輕為是會也懷諫求欲以及於禍所謂愚而好然春秋為去聲賢者諱宋公見執不少隱之自用者歟

何也夫盟主者所以合天下之諸侯安中夏尊王

室者也宋公欲繼齊桓之烈而與楚盟會豈安中

夏尊王室之義乎故人宋公於鹿上之盟而孟之會

直書其事而不隱所以深貶之也

高氏曰楚自是稱子而序於諸侯之

上於此見中國衰而荆楚盛也愚按執宋公以伐宋  
蠻制爭伯也執衛行人北宮結以侵衛諸侯無伯也

以上公之尊同於匹夫之微俛就執辱宋襄之圖伯  
末矣齊之盟楚序陳蔡之下鹿上之盟楚序齊下蓋  
荆楚雖強初與中國之會盟猶未敢偃然自肆也至  
是列陳蔡之上蓋有主會之志矣而宋襄德寡國弱  
欲尸盟主之權故楚額設詐禽之而攻其國以懼中  
國之諸侯而取威攘伯也春秋尊中國而賤蠻荆故  
雖宋襄不能霸而揭宋公於會盟之首所以辨內外  
之大分也于齊鹿上楚皆書人此會書楚人則疑非  
楚君故昉書楚子四夷雖大皆曰子荆楚僭王而書  
之以子雖曰稱爵而抑之之意實在其中然以子爵  
亞於宋公而位中國諸侯之上則兩伯之伉不待春  
秋之終而已見矣故止齋陳氏曰宋楚初爭長也楚  
稱子而序陳蔡鄭許曹之上  
不知諸侯之從楚與從宋與

冬公伐邾

杜氏曰為邾滅須句故王氏曰大旱經時  
不知貶食省用而用兵伐人非其道也

楚人使宜申來獻捷

公羊傳此楚子也其稱人何貶曷為貶為執宋公貶也穀梁傳捷軍

得也其不曰宋捷何也不與楚捷於宋也王氏箋義宜申闕氏子西也不書族與椒聘同

不曰來獻宋捷為

于偽反

魯諱也

陳氏岳曰不曰宋捷隱之也張氏曰僖公

不與孟之會楚方求駕中國以魯為諸侯之望故假宋捷以威魯魯逞其詐力誇示於我僖公不能拒絕而受其使命待以賓禮特書來獻而不言宋為內諱也諸侯從楚伐宋而魯獨不

與

音預

故楚來獻捷以脅魯為魯計者拒其使

去聲下同

而

不受可也

蜀杜氏曰魯不當受其來獻

請於天王而討之可也宋

公先代之後作賓王家

見微子之命注以客禮待之也左傳宋先代之後天子有



事膳焉有  
喪拜焉

方修盟會而伏兵車執之於壇坫

丁念反  
爾雅坫

謂之坫注  
在堂隅

之上又以軍獲遺

惟季反

獻諸侯其橫

去聲逆

甚矣

高氏曰中國於夷狄則有捷諸侯於天子則有獻捷

拒其使而不受聲其

罪而致討不患無詞魯於是時曾不能申大義以攘

荆楚尊中國故不曰宋捷特為魯諱之也

范氏曰楚稱人貶劉

氏曰楚暴犯中國欺詐宋公執而伐之威動天下既貶其君又隱其捷乎宋以伸有道之弱而沮無道之勝陳氏曰君使大夫何以特稱人貶之也孟會不稱子無以見宋楚之爭長獻捷不人之則是遂予楚也自是至椒之聘始有君大夫臨川吳氏曰楚人者楚子也稱使則知為楚子矣自屈完盟召陵楚臣之見

經自此始愚按獻者下奉上之詞不書楚執不書楚子使宜申獻捷不與蠻荆之凌中國也執宋公以諸侯同執為文不書宋捷諱魯受捷之惡責中國諸侯之從蠻荆也經書獻捷者二齊侯獻戎捷書爵書戎捷楚顯獻宋捷書人不書宋捷存中國而抑蠻荆之義著矣晉景公使鞏朔獻齊捷于周天子猶責其奸先王之禮況以蠻夷暴虐中國而可受其捷乎

十有二月癸丑公會諸侯盟于薄釋宋公

左傳會于薄以釋之子魚

曰禍猶未也未足以懲君穀梁傳會者外為主焉爾外釋不志此其志何也以公之與之盟目之也不言楚不與楚專釋也何氏曰言諸侯者起霍之會諸侯也任氏曰薄史記作亳漢山陽薄縣即湯都張氏曰拱州杜注漢薄縣愚按考城縣屬今汴梁路睢州

會不書其所為獨會于稷書成宋亂者為

干偽反下為葬為魯

同受部鼎立華

戶化反

督也

桓二年

會于澶淵言宋災故

者為葬蔡侯不討般

音班也襄三

盟不書所為而盟于

薄言釋宋公者宋方主會而楚人執而伐之以其俘

獲來遺

惟季反

是僭亂之勢日益張禽獸將逼人而食

之矣此正天下大變春秋之所謹也

愚按亂臣賊子弑君父變荆凌

中國皆天下大變故會于稷于澶淵盟于薄皆書其所為然于稷于薄不人諸侯而澶淵人諸侯之大夫者世子弑君尤天下大變魯既不能申大義以抑其之不忍言者故尤謹之也

強暴使宋公見釋出自天王與中國而顧

反也與歆血

要

於遙反

言求楚子以釋之是操縱大權自南蠻出其

事已偵

都田反

甚矣故書會書盟書釋皆不言楚子為

魯諱以深貶之也

張氏曰諸侯若能使宋人征繕而修文告之詞明宋之直正楚之罪

則楚人當情愧理屈而歸宋公之不暇矣今僖公脅於獻捷之威與五國為會求盟於楚以請宋公而後得釋正中楚人之詭計春秋不書會楚子而曰會諸侯亦不書宋公歸自楚而曰釋宋公蓋其執其釋皆制於夷而聖人全中國之體故諱之罪魯與諸侯之無能為也蘇氏曰凡諸侯見執而不失國書曰某侯某歸于某此不書名而言釋以為執之釋之皆在諸侯若是而尚可以求諸侯乎

穀梁謂不

與楚專釋是已

陳氏曰楚初與盟不書公於是書公不予楚以專釋之辭也

或以

為嘉我公之救患

陸氏微旨

誤矣

愚按春秋書公會諸侯盟者二盟于薄為宋請

平於楚以釋其執盟于宋為宋請服于楚以釋其圍楚雖主盟而春秋皆書公會諸侯不以霸權予楚而

憫中國之失霸也

癸襄王十

二十有二年

宋襄十三齊孝五晉惠十三衛文二十二蔡莊八鄭文三十五

曹共十五陳穆十杞成十七秦穆二十二楚成三十四

春公伐邾取須句

句其俱反公作

眭杜氏曰須句在東平須昌縣西北張氏曰今東平府須城縣

按左氏須句風姓實司大

音

泰皞

與有濟

子禮反

之

祀

杜氏曰大雩伏羲任宿須句顓臾皆伏羲之後封近於濟故世祀之

邾人滅之須句

子來奔因成風也

杜氏曰須句成風家

公伐邾取須句而反其

君焉

杜氏曰須句雖別國而削弱為魯私屬若顓臾之比故滅奔及反其君皆畧不書

審如

是固得崇明祀保小寡之禮何以書取乎不請於王

命而專為

于偽反

母家報怨謀動干戈於邦內擅取人

國而反其君是以亂易亂

本穀梁

非所以為禮也與取

奪者

趙氏曰取者收奪之名

無以異矣

高氏曰歸其君使為我附庸也為我附庸則是

我取之也張氏曰僖公非有崇明祀保小寡之公心而徒徇母之私意故無以服邾而致升陞之寇春秋

書之亦不異於他日之伐取也陳氏曰春秋嚴義利之辨苟以為利一以取書之是故雖邾人滅須句須句子來奔伐邾取須句反其君焉書取須句雖莒著丘公立而不撫鄆鄆叛而來書取鄆愚按文七年再書取須句而傳謂寘邾文公子焉比事而觀則魯之取須句非以存其祀實貪其土耳使果有興滅繼絕之功則春秋必書公伐邾歸須句子于須句以著其善矣

# 夏宋公衛侯許男滕子伐鄭

左傳鄭伯如楚宋公伐鄭子魚曰所謂禍在此矣杜

氏曰怒鄭至楚故伐之張氏曰襄公嘗困於楚矣疾雖甚而德慧術知未有以增益其所不能穀梁氏所謂過而不改而又甚之者也臨川吳氏曰宋襄求於楚一會諸侯于孟而遭執伐之辱再盟于薄魯與諸侯同致請於楚而後得釋鄭知宋霸不可成其力不可恃遂朝于楚宋公不自反以修己之德義乃遽怒鄭而興師以

伐之所以挑楚釁而取泓之敗也

○秋八月丁未及邾人戰于升陘陘音

刑穀梁傳內諱敗舉其可道者也不言及之者為內諱也程子曰公戰也杜氏曰升陘魯地

邾人以須句故出師公卑邾不設備

臧文仲曰國無小不可易也無

備雖衆不可恃也君其無謂邾戰于升陘我師敗績

邾人獲公胄縣

音

諸魚門

見左傳注魚門邾城門

記稱邾婁力

反復之以矢蓋自戰於升陘始也

見檀弓注邾師雖勝死傷亦甚無衣

可以招魂魯既敗績邾亦樂亡輕用師徒害及兩國亦異

於誅暴禁亂之兵矣故諱不言公而書及內以諱為



貶公穀內不言戰言戰則敗也高氏曰升陘我地邾來伐我而公遽及邾人戰也不言公者蓋公有以取之故諱公以深罪之也張氏曰書及公戰也不言敗諱恥也觀此則知春取須句非有存亡繼絕之公心審矣愚按經書內及戰者三乾時以納讎人之子而致敗此則因取妾母之家而激怨皆無義之戰故皆諱公以貶之于奚雖疆事之撓然內兵書及是亦貶耳內戰常諱敗而乾時直書敗績以與讎戰猶為彼善於此故不諱敗也

冬十有一月己巳朔宋公及楚人戰于泓宋師敗績

左傳

楚人伐宋以救鄭宋公將戰大司馬固諫曰天之棄商久矣君將興之弗可救也已弗聽戰于泓宋人既成列楚人未既濟司馬曰彼衆我寡及其未既濟也請擊之公曰不可既濟而未成列又以告公曰未可既陳而後

擊之宋師敗績公傷股門官殲焉國人皆咎公公曰君子不重傷不禽二毛古之為軍也不以阻隘也寡人雖亡國之餘不鼓不成列子魚曰君未知戰勅敵之人隘而不列天贊我也阻而鼓之不亦可乎猶有懼焉且今之勅者皆吾敵也雖及胡者獲則取之何有於二毛明恥教戰求殺敵也傷未及死如何勿重若愛重傷則如勿傷愛其二毛則如服焉穀梁傳曰事遇朔曰朔春秋三十有四戰未有以尊敗乎卑以師敗乎人者也襄公以師敗乎人責之也泓之戰以為復雩之恥也宋襄公伐齊之喪執滕子圍曹為雩之會不顧其力之不足而致楚成王成王怒而執之故曰禮人不答反其敬愛人不親反其仁治人不治反其智過而不改又之是謂之過襄公之謂也古者被甲嬰胄非以興國也則以征無道也豈曰以報其恥哉杜氏曰泓水名

泓之戰宋襄公不阨人於險不鼓不成列先儒以為

至仁大義

太史公曰襄公修仁行義

雖文王之戰不能過也

公羊傳

而春秋不與何哉物有本末事有終始

見大學

順事恕

施者王政之本也

劉氏曰順事恕施王事之始宋襄秦穆所以不遂伯也

襄公

伐齊之喪奉少

去聲

奪長

展兩反

使齊人有殺無虧之惡

有敗績之傷此晉獻公之所以亂其國者罪一也桓

公存三亡國以屬諸侯義士猶曰薄德而一會虐二

國之君

左傳子魚云云

罪二也曹人不服盍姑省德無闕然

後動而興師圍之罪三也凡此三者不仁非義襄公

敢行而獨愛重

直用反

傷與二毛則亦何異盜跖之以

分均出後為仁義

莊子胠篋篇跖之徒問於跖曰盜亦有道乎跖曰何適而無有道邪

妄意室中之藏聖也入先勇也出後義也知可否知也分均仁也

陳仲子以避兄離

母居於

音鳥

陵為廉乎

見孟子朱子曰飾小行而妨大倫先王所誅而不以聽者也

夫計末遺本飾小名妨大德者春秋之所惡

去聲也

曰宋襄公好戰而不務本飾小名而妨大德此無異盜跖以分均為仁出後為義也彼君子不然正其義不謀其利修其道不急其功孔子語子夏曰無欲速無見小利欲速者遺本者也見小利者計末者也

故詞繁不殺

所戒反

而宋公書及以深貶之也

蘇氏曰宋襄被

執見釋而猶爭諸侯楚以而干中夏故泓之戰雖曲在宋而春秋詞無所予張氏曰春秋以襄公主是戰則知聖人罪其悞諫求欲昧大義而徇小節以取敗國殄民自及其身之禍楚子救鄭而不言救又貶稱人惡楚子也王氏葵義楚子稱人惡蠻荆之敗中國也故微之微楚子亦所以譏宋公也以千乘之宋不能勝楚之微者宋公病之矣愚按宋以衛侯許男滕子伐鄭而泓戰止書宋公者蓋夏首伐鄭之師既歸及秋楚救鄭不及因遂伐宋宋公帥師往逆之而與戰欲雪孟之恥而不度其力之不能也宋公身傷而不言宋公敗績猶為中國諱辱耳若楚君敗績則直書之矣○啖氏曰公羊美宋襄之守信云文王之戰亦不過此夫文王以仁義行師不應似宋襄徒守匹夫之信不知事機也劉氏曰文王德不加焉則不以力爭義不過焉則不以威制漸之以道摩之以仁而四方自服爾今襄公不務修文王之業而亟大

功以殘百姓徒守咫尺之信乃比之文王其不知聖人亦甚矣永嘉呂氏曰說者稱宋襄仁義而不知伐喪以立威仁悖之大者也致夷以圖伯義隳之甚者也

甲襄王十申五年

二十有三年

宋襄十四卒齊孝六晉惠十四衛文二十三蔡莊九鄭文三十

六曹共十六陳穆十一杞成十八卒秦穆二十三楚成三十五

春齊侯伐宋圍緡

緡忙中反

穀作閔後同左傳討其不與盟于齊也公羊傳邑不言圍此其言圍何疾重故也穀梁傳伐國不言圍邑此其言圍何也不正其以惡報惡也杜氏曰緡宋邑高平昌邑縣東南有東緡城張氏曰漢志山陽郡東緡縣今濟州金鄉縣愚按濟州今屬濟寧路

齊霸國之餘業也

見樂毅傳

宋襄公既敗於泓荆楚之勢

益張矣齊侯既無尊中國攘外寇恤災患畏簡書之意又乘其約而伐之此亦義之所不得為者也故書

伐國而言圍邑以著其罪

何氏曰襄公欲行霸為楚所敗諸夏之君宜雜然助

之反因其困而伐之不仁也臨川吳氏曰楚與諸侯盟于齊乘間以干中夏爾齊侯不悟而受其盟宋之不與盟于齊不愆義也齊反借此為名以責宋伐之於敗傷之後悖理甚矣家氏曰齊孝非宋襄之力則不能有國顧忘納己之德乘其敗而圍其邑所謂以怨報德刑戮之民也齊侯書爵以其背大惠而忍於為不義故目其人而誅之書伐書圍皆所以貶也孫氏曰楚人敗宋于泓齊侯視之不救而又加以兵故伐圍並書然則桓公伐鄭圍新城  
六何以不為貶

乎鄭與楚合憑陵中國桓公伐之除黨惡也宋與楚戰兵敗身傷齊侯伐之殘中夏也其事異矣美惡不

嫌同詞

見公羊愚按春秋無義戰彼善於此則有之經書伐國圍邑者四齊桓伐鄭圍新城以其

棄夏從夷之罪予之也宋殤忌公子馮而遷怒伐鄭圍長葛楚顯虐中國而圖伯伐宋圍緹與此年齊孝之忘大德而修小怨皆貶之也蓋討得其罪則諸侯遂圍許圍宋彭城同圍齊春秋不以為譏不能修德而徒恃兵力則雖攻內邑之背叛如圍棘圍費圍鄆圍郕而春秋未嘗與之也

夏五月庚寅宋公茲父卒

茲公作惡襄公在位十四年子王臣嗣是為成公左傳宋

襄公卒傷於泓故也穀梁傳茲父之不葬失民也以其不教民戰則是棄其師也通旨宋襄公不書葬治其罪



也

# ○秋楚人伐陳

左傳楚成得臣帥師伐陳討其貳於宋也遂取焦夷城傾而還子文以為

之功使為令尹臨川吳氏曰曹南之盟陳不從宋伐鄭之役陳亦不從宋盟齊則陳從楚會孟執宋公伐宋則陳從楚考之經惟見陳之服於楚不見陳之貳於宋今楚討陳之貳蓋以伐宋之後鄭畏而朝楚而陳未朝楚即誣以貳宋之罪伐之而取其二邑積其勢不至於滅陳不已也張氏曰成得臣敢於稱亂而闕穀於薳賞以貴仕春秋人之意可見矣

# ○冬十有一月杞子卒

成公也在位十八年弟姑容立是為

桓公程子傳杞二王後而伯爵疑前世黜之也中間從夷故子之後復稱伯高氏曰不名者史佚之

乙襄王十

# 二十有四年

齊孝七晉惠十五卒衛文二十四蔡莊十鄭文三十七曹共十

七陳穆十二杞桓公姑容元年宋成公王臣元年秦穆二十四楚成三十六

# 春王正月○夏

狄伐鄭

左傳鄭之入滑也滑人聽命師還又即衛鄭公

鄭請滑鄭伯怨惠王之入而不與厲公爵也又怨襄王之與衛滑也故不聽王命而執二子王怒將以狄伐鄭

富辰諫曰不可王弗聽使顏叔桃子出狄師夏狄伐鄭取櫟

○秋七月○冬天王出

居于鄭

左傳王使來告難曰不穀不德得罪於母弟之寵子帶鄙在鄭地汜敢告叔父使簡師父告于

晉使左師父告于秦天子無出書曰天王出居于鄭辟母弟之難也天子凶服降名禮也

晉侯夷吾卒

惠公也在位十五年子圉嗣是為懷公明年秦納公子重耳是為文公左傳二十二

年晉太子圉為質於秦逃歸二十三年九月晉惠公卒懷公命無從亡人初晉公子重耳之及於難也晉人伐

諸蒲城遂奔狄從者狐偃趙衰顛頡魏武子司空季子處狄十二年而行過衛衛文公不禮焉及齊齊桓公妻

之有馬二十乘及曹曹共公亦不禮焉及宋宋襄公贈之馬二十乘及鄭鄭文公亦不禮焉及楚楚子饗之乃送諸秦秦伯納女五人二十四年秦伯納之不書不告入也二月辛丑狐偃及秦晉之大夫盟于郕丙午入于曲沃丁未朝于武宮戊申使殺懷公于高梁不書亦不告也永嘉呂氏曰左氏紀惠公卒在去年九月蓋春秋所據者魯史也左氏所據者他國之史也其年月不同不可得而考矣傳義見三十二年

丙襄王十

二十有五年

晉文公重耳元年齊孝八衛文成七年二十五卒蔡莊十一鄭文三十

八曹共十八陳穆十三杞桓二宋成二秦穆二十五楚成三十七

春王正月丙午衛侯

燬滅邢

左傳衛將伐邢禮至曰不得其守國不可得也我請昆弟仕焉乃往得仕春衛人伐邢二禮從

國子巡城掖以赴外殺之衛侯燬滅邢同姓也故名公羊傳衛侯燬何以名絕曷為絕之滅同姓也穀梁傳燬

之名何也不正其  
戎本而滅同姓也

衛侯何以名滅同姓也春秋之法諸侯不生名滅同

姓則名者

曲禮

謂其絕先祖之裔蔑骨肉之恩故生而

書名示王法不容誅也

杜氏曰惡其親親相滅故稱名罪之孫氏曰邢衛皆齊桓

所存衛侯不念桓公之大德以絕先祖之支體甚矣故生而名之鄆陽萬氏曰興師以滅同姓其惡已甚況當是時天子蒙塵于外鄆在鄭地汜衛鄭之鄰方伯連率之舊也衛侯既不能奔問官守帥師勤王乃問王室之多故懷詐譖之謀以肆虐於宗親之國其無王之心聖人得不深誅之

聖人與天

地合德滅人邦國而絕其祀同姓與異姓奚別

筆列反

焉而或名或否何也正道理一而分扶問反下同殊異端

二本而無分分殊之弊私勝而失仁無分之罪兼愛

而失義

程叔子答楊中立語愚按公而無私者理之一也親疎有等差者分之殊也以至公之心

施之有等級而不紊則仁義之道盡矣故先王制五服之節母黨不得同本族為人後者為其私親皆降一等同姓之國其初一人之身豈可與異姓之國一視之哉春秋之法由仁義行

而人道立者也可以無差

楚宜反

等乎然則晉滅虞

五年

楚滅夔

明年

亦同姓也曷為不名曰諸侯滅同姓則名

其常也有名有不名例之變也邢雖與狄伐衛而經

無譏文者為

于偽反

能救齊也衛人曾不反思而遷怒

於邢又遣禮至昆弟往仕焉誘其守

謂邢政卿

而殺之于

外

劉氏曰滅國春秋之所惡於所惡之中又有甚焉秦穆公衛侯燬是也夫諸侯強暴舉干戈以覆人

之國并人之地雖有罪人猶得而備之今兩君皆出詭計險謀使臣反其君下畔其上以快己兼并之欲

雖有道之國不知所備甚可惡也豈得與他滅國者等哉故秦穆杖之而衛侯燬名張氏曰衛侯燬殘虐

不仁至於同所自出不知相保而肆強以絕滅之又使其臣為詭詐之事行盜賊傾覆之計人理所不容

故名之同於楚子虔之誘殺也

與虞公貪璧馬以易鄰國及其身者

其情異矣春秋原情定罪而衛燬獨名蓋輕重之權

衡也若荆楚則僭號稱王聖人之所深絕於滅夔乎

何誅

朱子語諸侯滅國未嘗書名衛侯燬滅邢說者以為滅同姓之故今經文只隔夏四月癸酉一

句便書衛侯燬卒恐是因而傳寫之誤亦未可知

夏四月癸酉衛侯燬卒

文公也在位二十五年子鄭嗣是為成公

○宋蕩伯

姬來逆婦

公羊傳宋蕩伯姬者何蕩氏之母也其稱婦何有姑之辭也穀梁傳宋蕩伯姬來逆婦非

正也其曰婦何也緣姑言之辭也杜氏曰伯姬魯女為宋大夫蕩氏妻自為其子來逆稱婦姑存之辭婦人

越境逆婦非禮故書

伯姬公女也而配蕩氏其往嫁不見

音現下同

於經者國

君不與大夫敵也

常事合禮則不書

今來逆婦而史策書之

見公失禮下主大夫之昏是慢宗廟卑朝廷姑自逆

婦其失明矣

劉氏曰伯姬嫁不見經蓋內女雖親體不敵不書於策所以尊君也今君失其

禮以愛易典主大夫之昏是卑朝廷而慢宗廟非安上治民之節也臨川吳氏曰伯姬納內女為其子之婦姑自來逆婦而書於經者譏公降尊而自主其昏也況昏禮當夫自來親迎豈有姑來逆婦之禮乎家氏曰禮有親迎婦從夫也今屈尊者以逆卑者而亦謂之逆亂婦姑之分故特書以譏之張氏曰姑自逆婦公不使大夫主之皆非禮也兩譏之愚按大夫自逆則稱字姑來逆故稱婦祀伯姬來求婦亦主姑而言言之詞。陸氏曰公羊云其言來逆婦何兄弟辭也按經文直書其事以明非禮爾兄弟辭有何義乎



宋殺其大夫

義繫於殺則止書其官見莊二十六年曹殺大夫傳愚按宋殺大夫者四惟蕩山書

名公子卬則書官此及文七年不紀名氏蓋因魯史舊文而不能益非義所繫也。劉氏曰公羊云不名者宋

三世無大夫三世內娶也非也文稱大夫是有大夫矣且君娶一卿而一國之內何得悉無大夫哉詭僻不經

可笑也穀梁云以其在祖位尊之也亦非也春秋非孔子家牒當為後世書法耳何得擅諱其祖名哉 ○

秋楚人圍陳納頓子于頓

左傳楚令尹子玉追秦師不遂圍陳納頓子于頓穀梁

傳納者內不受也杜氏曰頓迫於陳而出奔楚故楚為頓圍陳以納頓子不言遠一事也頓國汝陰南頓縣張

氏曰今屬陳州姬姓國也愚按今汴梁路陳州商水縣

圍陳納頓子也納云者不與納也諸侯失國諸侯納

之正也

愚按諸侯納失國之君合於義則不書書楚納頓子不與蠻夷之納也書齊高偃納北燕

伯不與大夫之納也

何以不與乎夫陳先代之後不能以禮安

靖鄰國保恤寡小中國諸侯又不能修方伯連率

去聲

之職而使楚人納之是蠻荒伏羲正諸夏也故書曰

楚人圍陳納頓子于頓其責中國深矣此亦正本自

治之意也

張氏曰中國諸侯不能恤小國而定其位反使夷狄行其義閔中國之無霸也陳氏

曰齊桓卒楚始與諸夏盟于齊盟鹿上執宋公納頓子後然欲廢置諸侯春秋之所懼也愚按楚圍陳納頓子于頓書法如楚伐吳執齊慶封殺之蓋一事耳夫頓國小弱而介於陳楚之間陳欲迫而兼并之故

前年楚伐陳城頓而還此年納頓子保全微國以示  
恩責義於陳以示威其意皆預為圖伯之地也厥後  
頓子會申從楚而伐吳戰雞父陳衰而服屬於楚也  
僅一從十國會召陵侵楚而諸夏終不能保恤遂為  
楚結陳佗人所滅是時陳亦屢滅於楚而僅存非能  
剖分其地特助楚為虐耳比事以觀而知中國之衰  
矣王氏曰美地出奔則名他國納之不名以諸侯不  
得相名也故頓子北燕伯皆不名。陸氏曰穀梁云  
納頓子者陳也按經文楚自納之何關陳事劉氏曰  
公羊以謂何以不言遂兩之也非也頓子之奔由陳  
攻之故楚必圍陳乃得納頓子  
其文與事詳矣豈得言遂哉

葬衛文公○冬十有二月癸亥公會衛子莒慶盟于洮

左傳衛人平莒于我十二月盟于洮修衛文公之好且  
及莒平也穀梁傳莒無大夫其曰莒慶何也以公之會

目之也杜氏曰莒以元年鄆之役怨魯衛文公將平之未及而卒成公追成父志洮魯地張氏曰衛成公稱子喪未踰年也愚按莒慶者魯之壻之故因衛成公為平於二國遂來會盟君盟大夫自浮來而已然矣此不貶者從同同。趙氏曰穀梁云其曰莒慶以公之會目之也按事接於魯雖非命卿皆書名傳不達此例遂穿鑿爾

丁襄王十  
亥八年

二十有六年

晉文二齊孝九衛成公鄭元年  
蔡莊十二鄭文三十九曹共十

九陳穆十四杞桓三宋成三  
秦穆二十六楚成三十八

春王正月己未公會莒子

衛甯速盟于向

速公作邀後同向舒亮反左傳公會莒  
茲平公甯莊子盟于向尋洮之盟也杜

氏曰向莒地臨川吳氏曰衛本欲平魯莒之怨洮盟莒  
子不親至僖公必欲與莒子盟故復為此會也張氏曰

十二月已盟今又屢盟所以致齊之討也。劉氏曰穀梁云公不會大夫其曰甯速何也以其隨莒子可以言會也春秋此例亦多。○齊孝人侵我西鄙公追齊師至矣何為獨發於此。

鄆弗及

鄆戶圭及公作雋穀作雋弗左作不左傳齊師侵我西鄙討是二盟也穀梁傳人微者也侵淺

事也公之追之非正也至雋急辭也弗及者可以及而不敢及也杜氏曰公逐齊師遠至齊地故書之濟北穀城縣西有地名鄆下張氏曰今屬東平府東阿

書人書侵書師罪齊也

蜀杜氏曰倘下文不復言齊師則無以見稱人為貶矣臨

川吳氏曰齊師無名故書侵

書追書至鄆弗及罪魯也

趙氏曰寇至不知追

而不及言內之無警戒

潛師入境曰侵少則稱人衆則稱師前

書齊人是見

音現

其弱以誘魯也後書齊師是伏其衆

以邀魯也其為諼

許元反

明矣凡書追者在境內則譏

其不預追戎于濟西是也在境外則譏其深入

徐氏曰至

鄒深

追齊師至鄒是也鄒者齊地

莊三紀季以鄒入齊

至者言

遠也

愚按書至者二至鄒譏其深入鄒齊境也公救成至遇譏其怯而不進遇魯地也

弗者

遷辭也有畏而弗敢及之也

劉氏曰所謂弗及非弗能及也弗敢及也弗敢

及者畏也善養氣者匹夫不為千乘屈孔子夾谷之會齊師四陳揖讓指麾而景公服計齊人之衆不足以當景公僖公之勢足以勝定公之末年寇至不能禦去又不敢及是舉百姓而棄之也乃乞師于楚以

自防其持國之術所失者多矣齊魯皆私憤之兵而非正也故交譏

之

趙氏曰公羊云其言至鄒弗及何侈也穀梁云大之也弗及內辭也按直書之以譏內之無武備爾

何用曲為義劉氏曰以公迫人就令勝之尚何可侈哉且是後齊復伐我明不畏魯甚矣數見卑侮猶以

為大乎

夏齊人伐我北鄙

左傳夏齊孝公伐我北鄙公使展喜犒師使受命于展禽齊侯未入境展

喜從之曰寡君使下臣犒執事齊侯曰魯人恐乎對曰小人恐矣君子則否齊侯曰何恃而不恐對曰恃先王之命昔周公大股肱周室夾輔成王成王勞之而賜之盟曰世世子孫無相害也桓公是以糾合諸侯而匡救其災昭舊職也及君即位諸侯之望曰具率桓之功我敝邑用不敢保聚曰豈其嗣世九年而棄命廢職恃

此以不恐齊侯乃還通旨孝公有服展喜之善何以不褒而書人曰內以諱為惡外以諱為善此齊侯也其稱人為之

○衛人伐齊

左傳衛人伐齊洮之盟故也張氏曰二盟乃衛人平莒于我故為魯

諱也  
伐之臨川吳氏曰衛平莒魯齊何與焉洮向之二盟雖瀆其過在魯非齊人之所當問也齊孝公乃連興侵伐之師非義甚矣其致衛之

○公子遂如楚乞師

書乞師始此左傳東

伐與魯之伐自取之也  
門襄仲臧文仲如楚乞師臧孫見子玉而道之伐齊宋以其不臣也公羊傳乞師者何卑辭也曷為內外同若辭重師也曷為重師師出不正反戰不正勝也穀梁傳乞重辭也何重焉重人之死也非所乞也師出不必反戰不必勝故重之也杜氏曰乞不保得之辭

衛人報德以怨伐齊之喪助少

去聲

凌長

展兩反

又遷怒



於邢而滅其國不義甚矣公既與其君盟于洮又與

其臣盟于向是黨衛也

高氏曰齊侯本以洮向二盟為衛莒背已且以魯當助四

公子於是興師而來伐

故齊人既侵其西又伐其北齊師固亦

非義矣而僖公不能省德自反深思遠慮計安社稷

乃乞楚師與齊為敵是以蠻荆殘中國也於義可乎

高氏曰楚僭王矣而諸侯更推為盟主魯見侵伐於齊乃乞師於楚以伐之導荆楚以伐中國是禽獸將逼人天下之大變也書曰乞師深罪之也魯頌稱公車千乘公徒三萬戎狄是膺荆舒是懲今乃乞師于楚寧無愧乎張氏曰僖公初年頗有意於治國務農閔雨國以殷富中年漸肆荒怠浸失政於大臣滅項

取執於桓公迨齊霸不紹不及閒暇修明政刑民事  
既荒國備不立齊人再伐已不能支而遠乞師于蠻  
荆以刷其恥夫子罪臧文仲竊位從公子遂借兵強  
夷為國之無謀也使其立展禽以為政所以輔僖公  
者必有道矣何至乞楚師以伐齊哉其書公子遂如楚乞師而惡自見

音現矣

孫氏曰國之大小師之衆寡皆有王制不可乞也書乞師惡魯不能內修戎備而外乞師於夷

狄陳氏曰臧宣叔如晉乞師不書乞諸外域然後書外乞師亦不書必盟主也而後書乞卑辭也乞師於楚人志中國之誡於蠻荆也趙氏曰天子在上而諸侯自相請師非禮也乞師例見成十三年

秋楚人滅夔以夔子歸

夔求龜反公作隗左傳楚成得臣闕宜申帥師滅夔以夔子歸

穀梁傳夔國也不日微國也以歸猶愈乎執也杜氏曰夔楚同姓國今建平秭歸縣張氏曰今歸州秭歸縣及

興平縣皆有夔子城愚  
按歸州屬今辰州路

春秋滅國以其君歸無有不名者

據潞嬰兒沈嘉許  
斯頓詳胡豹皆名

而夔何以獨不名按左氏夔子不祀祝融與鬻

音熊

杜氏曰祝融高辛氏之火正楚  
之遠祖也鬻熊祝融十二世孫

楚人讓之對曰我先

君熊摯

音

至有疾

熊摯乃夔  
始封之祖

鬼神弗赦自竄

于亂

于夔

是以失楚又何祀焉諸侯之祀無過其祖者

劉氏曰  
魯祖周

公不敢祀公劉衛祖康叔不敢祀  
后稷祝融猶后稷鬻熊猶公劉矣

而夔祖熊摯是不

得祀祝融與鬻熊也而楚反以是滅之非其罪矣故

特存其爵而不名也

劉氏曰國滅而虜無不名者國滅罪也虜服辱也夔子獨不名

所以取滅者乃非其罪放假之也楚讓夔不祀祝融鬻熊夔曰云云楚祖鬻熊夔祖熊摯是不得祀者也諸侯之祀無過其祖夔子可謂若於義矣而楚反以是滅之春秋以謂非其罪也故黜楚而伸夔有王者作興滅繼絕則夔庶幾矣薛氏曰夔子之不名無滅道也然則楚滅同姓何以不

名人而不名春秋待僭亂之體也

孫氏曰不名者略蠻荆陳氏曰滅同

姓名此楚子顓也則其不名何楚子之名未登於春秋也楚自武王始見於傳文王始見於經猶以州舉也至成王而後書楚人孟之會嘗書楚子矣而復人之顯之名非遇弒未登於春秋則滅夔固不名也滅夔名之則疑於衛侯燬

冬楚人伐宋圍緣

左傳宋以其善於晉侯也叛楚即晉楚令尹子玉司馬子西帥師伐宋圍

緡臨川吳氏曰前年宋成公忘父之讎與楚平而往朝之今而即晉可謂能速於從義者矣楚伐其國而圍其邑書以著楚人之肆橫也家氏曰宋成既朝楚又即晉而為楚所伐無益於自免而有忘讎之耻使晉文不興則宋之為宋豈不殆哉

○公以楚師伐齊取穀

左傳凡師能左右之曰以賓桓公子

雍於穀易牙奉之以為魯援楚申公叔侯戌之穀梁傳以者不以者也民者君之本也使民以其死非其正也

公至自伐齊

公羊傳此何以致曰患之起必自此始也穀梁傳惡事不致此其致之何也危之也

楚強魯弱而能用其師進退在已

杜氏曰左右謂進退在已何氏曰言

以者行公意

故特書曰以以者不以者也

本穀梁注謂本非所得制今得


以之也夫背音盟即楚取人之邑為已有失正甚矣

臨川

吳氏曰公不用魯師而用楚師雖能取齊之邑而借援強楚辱國莫大焉將以刷西鄙北鄙之恥而適所以甚其患之起必自此始其致危之也范氏曰以蠻荆之師伐鄰

近大國招禍深怨危亡之道高氏曰釁深惡重此臣子所以殆其往而錄其至張氏曰楚師而魯君以之楚以其衆付魯使自用之以伐齊也伐霸主之後用蠻荆之兵僖公之免可謂幸矣故特書至以危之思按書公至自伐齊者三襄十九年合十二國之師同圍齊從霸主討齊靈之暴橫圍齊而書至伐者予之也此年以楚師伐齊哀十年會吳伐齊皆用蠻夷報怨於大國其致危之也或曰春秋貶公之以楚伐齊然柏舉之戰蔡以吳報楚春秋予蔡而爵吳何歟吁召陵之會中國不能救蔡蔡不得已而借援於吳吳

能扶弱抑強助蔡勝楚蓋資其力以攻強楚非啟其  
兵以凌中國也故春秋予奪不同也○劉氏曰公穀  
皆言伐國不言圍邑譏道用師也非也○圍緡者乃楚  
人伐齊則楚師何以強配合之乎公羊又云此已取  
穀矣何以致伐原公羊之意謂得意致會不得意致  
伐則今得意不當致伐而不致會然伐齊取穀獨公  
以楚師往無諸侯之會則不得致會此理之適然耳



春秋胡傳附錄纂疏卷十二